


JOSEFA KASWAANA BANABOKWABO

 . . . a jwi likubwene lya kwaambaula aniini. Elyo Nda kajisi cilonda ku kameneno kwa ciindi cimwi. Elyo—elyo, cifumo cino, Ndili a ntuntumaanzi loko; kuboneka mbuli kuti, ciindi buyo coonse Nda selemuka, bumwi, moonya mu kkuti eli. Ijilo Nda kali kukanana kuli bamwi bakwesu cindi ni twakali kutala aatala lya tubwe ku New Albany, a kulanga ansi mu nzila eyi. Nda kati, “Ako nkekaambo, mpoonya alya.” Walo ngu sikunku ulengelela awa, ambuli mankandya atala lya dolopo lyoonse. Elyo Mbwe ka njilila buyo mu busena obu, Mbwe kaselukila buyo awa, njeeyo yaunka, mwabona alubo, Mbwe ka njilila buyo. Oh, Nde elede kuli bwezel tente a kuya aatala lya cilundu, kubusena bumwi, aku kkempa. Nkaambo, tuli bamuzwakule a beenzu, nekuba, embo na? “Bayandaula Munzi oyo wa Muyasi a Sikuucita uli ngu Leza.” Nce ncico nco tu yanda. Lino tu jisi bamwi . . .

² Kakutanaba buyo kuswaangana, cifumo cino, alimwi kakutanaba kwiya kwa Munsondo, tu jisi i—i kutuula kwa bavwanda. Elyo mukwesu wangu ujisi muniini oyo ngwa yanda kutuula ku Mwami; mukwesu wangu, ku nyama. Alimwi ndiza, nobamwi bamatumbu a matata bali ano mujisi bana baku tuula. Lino, ziindi zinji, mu Bbaibbele . . .

³ Alimwi tu jisi mipampo pampo mu mabungano, nkaambo ka lwiiyo lwandeene mu lubbizyo lwa bavwanda, azimwi zimbi. Elyo, lino, abo ba babweza, a kuba sansaila ku lubapatizyo lwa twana, cili ku nzila iili yoonse njo yanda ku mutuula. Pele, cintu coonse caamba cintu comwe, kutuula ku Mwami. Mwabona? Elyo lino . . .

⁴ Nkaambo, muvwanda, kuciimo mbuli ku cibi, ta jisi. Jesu wakafwa kuti agusye zibi zya inyika. Elyo muvwanda tana cita cibi, biyo wakali . . . Ngu sizibi. Wa kazyalwa mu cibi. Pele cindi Kristo nakafwa aa Kalivari, Wa kagwisya zibi zya nyika, a muvwanda takwe bwiinguzi kusikila wakomena ku kulivwiilila twaambo. Elyo kufumbwa muvwanda muniini, takukwe makani obo bazyali mbobali babyaabi, kufumbwa buyo afwa, uunka kugama ku maboko aa Kristo, mwabona, nkaambo Wa kabadelela muulo. Takukwe makani na muvwanda wazyalwa mu cibi, alimwi kwiinda ku mamambi na kufumbwa mbo cibede, tacibambi lwandaano noluceya, oyo muvwanda uli kwabilidwe muli Kristo nkaambo Wa kafwa kugwisya zibi zya inyika. Elyo cindi—cindi akomena bweelede lino, wacita cibi camugame, mpawo weelede kweempwa kuli ceeco nco cakacita. Pele takwe cibi cigaminina kusikila wakomena bweelede kucita cibi, ku ziba kuti nciili ciluleme a cilubide. Pele, lino, lyoonse tu sola

kukkala buyo mumsi loko ku Bbaibbele aa zintu ezi, mbuli mbo tuzi.

⁵ Lino, kwiina Lugwalo mu Bbaibbele, lwa kusansaila bavwanda. I cintu biyo nco tu jana . . . Na, taakwe lubbizyo lwa bavwanda mu Bbaibbele, mu ciimo cimwi. I busena bulikke mbo tukonzya kujana, obo mbo kulembedwe awa mu Magwalo, kuti Je- . . . “Ba kaleta bana baniini kuli Jesu, elyo Wa kaba bweza mu maboko Aakwe a kubalongozya, a kuti, ‘Amu baleke bana baniini baboole kuli Ndime, nkabela muta bakasyi pe, nkambo bali boobu mbo Bwami bwa ku Julu.’”

⁶ Lino, kuti, lino, mbuli Mbwa kazumanana kuya kuli Leza, alimwi ulikkede ku janza lyalulyo, sunu, mu mubili Wakwe wakunyama, alimwi aa Cuuno ca Leza cabwami. Elyo Wa katuma Mbungano Yakwe kunjila mu inyika yoonse a kuzumanana milimo eyo Nja katalika awa cindi Na kali waano aa nyika, nkokuti, kukambauka Makanimabotu, kuponya baxiswa, a kutuula bana, azimwi zimbi. Nkikaako, bayandwa bala lombwa kuleta bana babo baniini ku Mwami, kwiinda kukubapa ku mweembeli wabo, mu maboko aakwe. Elyo ula bakomezya, ku lusyomo, kuli Kristo, aku lombwa Kristo kubalongozya.

⁷ Elyo, aboobo, ikuti na ujisi muniini oyo—oyo ngotana tuula ku Mwami, elyo inga wayanda ku muleta kuciindi mucizi wesu nalizya piyaano, *Amu Banjizye*, nkabela inga twa yiimba. Mbangaye baluzi lwiimbo lwakaindi, *Amu Banjizye?* Alimwi eco ncibotu. Lino, Ba. a Muka. Henry Branham bala leta mwana muniini. Alimwi kufumbwa umwi uuyanda kuleta, ee, amubalete nkoonya kutala ku ciindi eci lino ku kutuulwa. Yaa.

Amu banjizye, amu banjizye,
Amu banjizye kuzwa ku masena aa zibi;
Amu banjizye, amu banjizye, (. . . ? . . .)

⁸ Ndi yanda kumutondezya Branham uumbi muniini, Mary Della Branham muniini. Walo mwana musimbi wa mukwesu a mukaintu wakwe uyandwa. Kutu, baboola kumbele cifumo cino, ku mbungano, ku kutuula mulombwana muniini, buumi, kujokela kuli Leza, Oyo wakamupa kuli mbabo.

Lino atu kotamike mitwe yesu aniini buyo.

⁹ Taata wesu Wakujulu sibuywa, mbuli mbo kwiimvwi awa kumbele lyangu sunu, mukwesu wangu wini ku mubili wabuntu, a nabwiinga wakwe, mukaintu wakwe. Elyo Wa kalongozya maanda abo a Mary Ella oyu muniini, ku kubapa lutangalo mu mazuba ayo ali kumbele lyabo. Nda Ku lumba ku kwiibaluka kwabo oko muvwanda nkwakazwa, a kumuleta sunu ku mbungano, kuti inga bamu tuule kujoka kuli Nduwe. Elyo lino Nda pa muvwanda kuli Nduwe, mu maboko aa lusyomo, aku Ku lombwa kuleleka muniini oyo Ngwe jatilide. Elyo akube kuti

akapone a kukomena. Alimwi ikuti na Jesu katanasika, aakabe mulanda Wako, wa kubelekela Nduwe.

¹⁰ Longezya bawisi a banyina. Elyo, Leza, kopa kuti Muuya Uusalala Wako ubasololele kwiinda mu lweendo lwa buumi. Elyo mu buzuba bumwi, cindi obu bumuzwakule bwaanyika bwaakumana, akukabe kuti mukwasyi mupati onse ukabungane antoomwe mu Bulemu. Ko cipa, Mwami. Kusikila ku ciindi eco, akube kuti mwana akomene a kulelekwa kuli Leza, abe muyumu wanseba mbotu, a kuba mukozyanyo wa bwanakazi mu mazuba akwe aaciza. Elyo tuyo Kupa kulumbaizya. Nkambo twa tuula muvwanda kuli Nduwe lino, mu Zina Iya Jesu Kristo, Mwana Wako. Amen.

¹¹ Elyo Nda mujosya kuli nduwe. Leza amu longezye. I Mwami amu longezye. Ncibotu.

Ziibalusyo ziyandisi, obo mbo zimukasya,
Zitumwa kuzwa kubusena bumwi kuya ku
buntu bwangu;
Mbuli mbo zimukisya, lyonse kuba muni
lyangu,
Zilao, zisetekene ziyandisi zyajuka.

¹² Obo mbotu lumbaizya Mwami wesu uyandwa nkambo ka boonse baniini! Nywebo mulizi, ciboneka buyo bweenzu obo mbotwa kabede ciindi cimwi mbuli boobo. Elyo kuli cintucimwi kujatikizya muvwanda oyo utaliyandi, kulekelela loko a sibuyya loko. Awalo Mwami wesu waka bakozyanisya kuli mbabo, a kuti, “Mwata sanduka akuba mbuli umwi wa baaba baniini,” cabuteteete loko.

¹³ Nda bona Joseph wangu muniini, obo mbwali mupati buyo wa kuba mu zintuzyonse, elyo banyina bayo elela ku mululamika. Elyo uyo kwela lampi, na kufumbwa zimbi, kuti acimvwe buyo kuuma aa cibuye. Elyo mpawo ikuti na mutumbu wacitika ku mubakula, na cintucimwi, ula tanta ncobeni mu maboko abo a kubukata maboko aakwe mbuli boobo.

¹⁴ Tweelede kujatilwa, kuli umwi aumwi, mbuli bana aba baniini, kunjila mu Bwami.

¹⁵ Lino, twa lumba Leza ku muvwanda oyu muniini, Mary Ella Branham muniini. Elyo akube kuti apone, a kukomena a kusumpuka, a kuba mulanda wa Mwami. Elyo akube kuti muunzi mwaya kukomezegwa ukabe muunzi wa Banakristo, elyo kutegwa aka konzye kusumpuka mu kukondwa kwa Kristo.

¹⁶ Elyo lino tuli. . . (Ndaku lumba, Mucizi Gertie.) Elyo lino bana baniini batola masena abo mu kaanda kama kkilasi ya kwiiya Munsondo.

¹⁷ Elyo mweembeli wa—wa bamba kwaambilizya oko kuswaangana nko kuyoobeda sunu, a juunza, masiku juunza. Masikati aya, bayo. . . kuciimo Mbwe zyi, kwiina kuswaangana

kujulidwe, citakuti kwaba amwi mamissioni maniini mu Louisville, ayo ngo zibilene kabotu, mukwesu wesu Durban a bunji bwabo. Ndi yeeya kuti bajisi kuswaangana kwa Munsondo masikati.

¹⁸ Ndi jisi kwiitwa kunji. Bantu banji bali mu nkuta, a zimwi zimbi, kuti bakombelwe, abo bacididwe a bapengede.

¹⁹ Miswaangano yangu itobela inooli ku Cleveland, Tennessee, kutalikila Bwasanu masiku atobela, Bwasanu kwiinda mu Munsondo.

²⁰ Elyo mpawo tu boola nkoonya ku muunzi, a kuunka ku South Bend, Indiana, a kwa masiku obilo okuya a kutuulwa kwa tempele; Mukwesu R. E. S. Toms uuzwa ku Saskatoon, Saskatchewan.

²¹ Elyo mpawo, kuzwa awo, tu unka ku Sturgia, Michigan, kwa masiku obile aa kuswaangana ku Sturgis, Michigan.

²² Elyo mpawo kuunka okuya ku Lima, Ohio, ku bantu bana Baptisti, mu Memorial Auditorium mu—mu Lima, Ohio. Oyo uutalika mu Mukazimaziba twenti thrii, kusika mu twenti seveni.

²³ Elyo mpawo, kuzwa awo, tula unka kuya ku Nkomwe ya Kumbo mpawo, ku miswaangano mipati mu California a Arizona. Amube mu mipailo kuli ndiswe. Juunza . . .

²⁴ Sunumasiku, aa seveni theeti, kuyooba kuswaangana kwavangeli okuno ku cikombelo, alimwi aumwi uli tambwidwe.

²⁵ Elyo juunza masiku, Nde elede ku . . . Ndiyo kambaukila Mukwesu Cauble, ku kuswaangana kwakwe—kwakwe kwa akatikamasiku. Ndi yooba . . . Cibeela cangu citalika aa naini, mane kutandila naini theeti.

²⁶ Mpawo Njo bweeda ku cikombelo okuno, oko muswaangano nkouya ku zumanana, a beembeli a bakutausi baswaya abo beelede kuba kokuno, kukuba a cibeela ca kuswaangana kwa masiku juunza. Ikuti na nyoonse muyanda kubamvwa beembeli kukanana a kutondezya nzila zyabo zyaku mwaambila mbo kutalikwa mwaka mupya, a cintu cakucita, baa, kuzwa ku bulanganye bwa Lugwalo, baa, amukabe masimpe kuba kookuno juunza masiku. Miswaangano iyitalikila aa seveni theeti, mbuli lyoonse, aa seveni theeti. Elyo iyo zumanana mane akatikamasiku, masiku Munsondo, elyo mpawo . . . na, busiku bwa Muvulo, mubwini. Mpawo, kuzwa naini okuloko, Nda kamanizya a Mukwesu Cauble, Njo jokela nkoonya okuno ku cikombelo, ku kutalika, elyo antela, ndiza, kumanizya nkambauko eyo Nje yanda kutalika cifumo cino. Na, Ndili . . . kubaanga kundi tolela ciindi cilamfu.

²⁷ Ndila muka, nywebo mulizi, pele Nda Uyanda kuselemukila aa musyobo uli kabotu wa ntalisyo. Aboobo, taku yandikani

Kuu mwaila koonse. Ndi yanda Kuu bikka alya, a kukomena a kusumpuka nkambo ka Mwami.

²⁸ Lino, kuli i—i mukutausi okuno cifumo cino, mukutausi muniini oyo weelede kuba, Nda yeeyela, kuti mu Bel Air Motel. Nde elede ku mubona aciindi ca tuu kusika ca thrii, masikati aya. Elyo, na, sa mpali, nekuba? Mbuli, Ndali luba zina lya mukwesu kuti na nguni. Walo uzwa kumusanza mu Tennessee. Wa kaponese gwa ku musana waka tyokede, mu muswaangano wangu, a kunjila mulimo. Oyu mukwesu, *awo*. Ncibotu. Eco cili kabotu. Oko nku. . . Oko nkuzwa. . . Sena yakali yobilo kusika kuli yotatwe, embo na? Nda. . . [I mukwesu waamba, “Yotatwe.”—Mul.] Yotatwe; yotatwe kusika kuli yone. Yaa.

²⁹ Elyo mpawo kuli mukutausi umbi, Nse zyi naa mpwali kale ano na pe. Walo uzwa kulaale kutala mu kunyiika yaku British Columbia. Buzuba bumwi, cindi Ne kali kusola kubenda cisuwo cimwi, aa mbizi zimwi, Nda yeeyela, na cintucimwi; Nda kajisi cilezu cilamfu *obo*, kali kusule mu lweendo lwa kuvwima; myaka misyoonto yakainda. Ii mwaalumi wakeenda kumbele a kwaamba, “Sa toli Mukwesu Branham?”

³⁰ Nda kaswaana mulindu mukubusyi mu cintooolo, kati takali bwene mwana- . . . na—na takalina bwene dolopo, dolopo pati. Elyo Ndi yeeyela kuti waa kali mamaile aali myaanda yone na yosanwe kuzwa ku dolopo, ndiza kwiinda *obo*, myaanda ya mamaile kuzwa ku mugwagwa wa mugwagwa miyumu, mu dolopo liniini litegwa East Pines. Ndi yeeya kuti kuli cintooolo comwe okuya. Kulaale kusule omuya, banabukwetene aba bakeenda kumbele.

³¹ Alimwibali mu lweendo lwabo kuya ku Cuba. Nda libuzya ikuti na nkobali cifumo cino, inzya, bazwa kunyiika yaku British Columbia? Mpoonya *awa*. Ee, lelekwe moyo wako, mukwesu. Twa botelwa kuba a nduwe a mukaintu wako, bamamissionari, kabeenda koonse. Wandi tumina, cifumo cino, ciimo i—kuzwa ku Star Motel. I Mwami amu longezye. Ndi lizi kuti boonse bakwesu besu bayo botelwa kusukana maanza *abo*. Elyo muntu oyo, ku cifoto, wakali kukonzya kundiziba a cilezu eco coonse, ujisi kutweluka kubotu. Ncibotu loko.

³² Elyo bakali basintaze maningi, nzila kutala kuya oko kutakwe bantu, nokuceya, kulaale kutala Kujwe Pines. Alimwi inga caba, kuba ciyumu kwaamba nzila bantu basyoonto baliko monse mu cisi eco, pele, nekubaboobo, bakali kutala kuya mbuli mamissionari, kabasola kucita cintu cimwi ca bulemu bwa Leza. Nda balumba ncobeni a moyo wangu oonse. Ndi lizi nyoonse mula yanda kusukana maanza *abo* a kumvwa makani aa cisi ca kunyiika cipati. Elyo, lino, mpawo i. . .

³³ Nda syoma banyina ba Muka. Roberson ba cicisidwe maningi. Nde elede kubabona masikati aya, a kuyeeya ku bakombela. Oko kuyooba. . . Elyo mpawo, na Mwami wayanda,

Ndila jokela okuno alubo aa seveni theeti sunumasiku. Ndi yeeya kuti ba McSpaddin uli kusule okuya, mbuli mbo tuya ku cisuusulo ambabo kutandila sikisi okkuloko, a kutupa ciindi ca kujokela.

³⁴ Elyo mpawo tu yanda kuswaya Muka. Burns. Sa Mukwesu Burns mpali, cifumo cino? Sa nkwali? Iiyi. Nse kubwene, Mukwesu Burns, kokkede. Mucizi Burns uli cisidwe loko, cisidwe loko.

³⁵ Elyo Nda kali kokuya ku mangolezya ambi, kuyo mubona, nkabela uli cisidwe loko. Walo muntu wacamba mbwa bede. Elyo tu yanda bantu boonse kuzumanana kujatilila kuli Leza, nkaambo, kucitondezya kuzwa ku ciyanza eci, mukutaziba oyo unga waba kokuno; pele ciyo tola maleele aa Leza kuleta Mucizi Burns kujokela ku mbungano alubo. Mbo mbubo.

³⁶ Cindi, mulumi wakwe uyandwa nakazwa mu cibbadela kutala okuya, ku Veteran's Hospital, a kkulenge, wakapegwa mulandu kufwa, nkabela Leza waka muponya. Elyo ngooyu mpali, kajokede mu mbungano, alimwi a nseba mbotu loko alimwi mbuli mbo kukonzeka kulangila mu musyobo oyu wa ciindi. Elyo cindi Mwami naka muponya ku kuba amubengwa wakali kuzimba, ku kkulenge muli nguwo, cintu nciconya, myaka a myaka yakainda.

³⁷ Elyo Ndila ciyeeya ciindi nciconya, kuciindi Mukwesu Wood kakkede awo. Nda kali mu ciindi ca kupumuna ciniini. Twa kali kubusena mu zisaka, katuvwima basikaale, elyo Cintucimwi caka ndaambila kuti, "Koya ku muunzi." Nda kaunka ku muunzi. Elyo kaambo Nce kaunkila ku Louisville, Nse kakazibi. Elyo Mukwesu Wood, waka komenena mu Louisville, keenzya kutola busena butali mbubo bwa mulongo wa mayake, koonse, koonse, kusola kundi bweza. Elyo Leza wakandi jatilide ku kkona, nkelindila Mucizi Burns kuboola kundaambila. Elyo wakali nguwe, oyo mwanakazi sicamba, oyo wakasika ku ndaambila kuti mulumi wakwe wakali kufwa omuya mu cibbadela, cindi nitwa kaunka okuya a kukombela.

³⁸ Elyo waa kaseluka, a kubweza cifoto eco, eco Mwami nkwa kafotolwa cifwanikiso Cakwe, Musumpululu wa Mulilo... Nyoonse mwa kacibona, Nda yeeyela. Kacibikka aa cibuye. Elyo waa kati, "Oyandwa Leza waku Julu," waa kati, "kondi gwasya kujana Mukwesu Branham ndyoonya lino. Nde elede kucicita." Elyo waa kati, "Angelo wa Leza, ko ndisololela kuli nguwe." Eco nce citola. Elyo waka nyamuka, akuunka ku tauni, kuyo bbadelele bbiilu lyaku kkampani, nkabela cakugambya waka zingulukila kkona limbi. Elyo Leza waka ndituma kuzwa ku zisaka, kuyaku Louisville, a kundi jatilila ku kkona kwa cisela ca oora, kulangilila Mukwesu Wood nyona kkona iiteelede ciindi coonse kutala okuya, kusola kundi bweza, mbwa kacita. Mwabona?

39 Lino, tu lizi kuti Leza ulizi awo mwana Wakwe musimbi muniini mpa kkede awo, alimwi inga Wa langila nduwe kukomba mupailo wa lusyomo. Tuyo cita koonse nko tukonzya.

40 Cintu cimbi nco tu yanda kwaamba cifumo cino, a kutali buyo mitwe iikoteme, pele amyoyo, kuli umwi wa bantu basyomeka maningi abo Mbe...umwi wabo, oyo Ngwe kasola kuswaana mu buumi bwangu, walo Mukwesu wesu Higginbotham. Wakwe...Mucizi wesu uyandwa waunka kuyooaba a Mwami Jesu. Ii silumamba sintaze wa Leza; kuvula kwa ziindi Nkwe kamubona kaboola ku cipaililo! Kusukamina kwakwe kwakali, lyoonse, kusika ku mundando oyu wa mipailo, oko Muuya Uusalala nkowa kamwambila lyakali penzi. Waa kali kusukamina kucicita. Elyo kuvula kwa ziindi nkwa keenda aa cibumbili eci awa, kusola kujana kuti na kutweluka inga—inga kwaboola. Elyo mu miswaangano imbi a masena aindene waa soleka, pele tii kwa kaboola ncobeni, kumwi.

41 Elyo mpawo, mvwiki zisyoonto zyainda, keenda mu cibbadela kunselelo okuya, cindi Ne kamvwa kuti waa kali cisidwe, elyo ciindi cakali manide ku mangolezya. Elyo cindi Ne kanjila mu cibbadela a kukkala muni lyakwe, okuya Muuya Uusalala wakaseluka; a kujokela kulaale mu buumi a kudubbununa zintuzyonse, a kuzibikka kabotu awo penzi mpo lya kabede. Pele, cintu ceenzu cakali cakuti, Mucizi Higginbotham taka cili kuyanda akwalo kukkala awa kwa ciindi cilamfu. Waa kali kuyanda kuzumanana. Kwakali Cintucimwi cakali kumwiita. Waa kavwiila kwiita oko buzuba bumwi kuunka kuyooaba a Leza. Elyo lyoonse Ndiyo ciyeeya eco. Inzya. [Kabeela katakwecintu aa teepu—Mul.]

42 Ta cigambyi ncolimvwa bubi cindi wanjila mu dolopo; lyaa kaka Makanimabotu. Eelyo nde penzi. Lili nyonyookede. I '37 taukabi wabuyo, kusikila eci cikamanisigwa. Pele, iyyi, ili nyonyookede, cakumaninina. Alimwi nke kaambo bulembo buli aa bulambo.

43 Elyo, lino, ncibi loko. Alimwi tuli beni ba cikono, zintu zili awa, pele Nda kamvwa buzuba bumwi kuti bamwi bakwesu baka jana tiketi lly kupaking'a akwalo kumamanino cibeela ca mbungano okuya. Sampu lili boobo! Njo bbadelela tiketi eelyo ikuti na uyo ndilekela buyo kuziba mbo lyakabede. Oko kuusisya nsoni. Iyyi, munene. Ee, swebo, eci, Ndi yeeya kuti na i... Ndi yeeya kuti tucili beni ba ceeco. Nokuceya, taito diidi yaamba boobo. Nkuboola buyo mpoonya awa ali ceeci awa, elyo ambweni tamuka jani tiketi okuya. Pele Ndili kkomene kuti tuya ku busena oko nkoba teenzyi kubelesya matiketi. Embo na? Mbo mbubo. Ncibotuloko. Iyyi, nconzyo. Lino, Nseli...

44 Ndila sola buyo kwaambaula kaindi kaniini, cifumo cino, nkaambo Ndi jisi ntuntum, aanzi ini wa mutwe ucisa, a kwiima konse. Elyo—elyo Ndi yanda kubweza ciyiyo kuzwa ku

Cizuminano Cakale, a kuyiisya buyo kwa kaindi kaniini, na Mwami wayanda. Elyo mpawo ndiza, sunumasiku, ikuti na kujoka, Mwami nawayanda, kujoka mu ciindi, a kuta katala maningi.

⁴⁵ Oh, Nda citika buyo kuyeeya, ambebo. Mukwesu Kelly ukkede awa, a Mucizi Kelly, ula boola, nkoonya ku... Uboole cakufwambaana mbuli mbo konzya, kwamana cisusulo, nkaambo Nda zungaanisigwa ncobeni masikati aya, a zintu zinji, Mukwesu Kelly. Nda yeeya busiku bumwi, kutala okuya, Nda kali kuzwa ku kutuminwa cindi nyoonse nimwa kanjila. Yaa. [Ii mucizi waamba, “Sa inga waboola, Mukwesu Branham?”—Mul.] Lino, eco—eco cili kabotu, mucizi.

⁴⁶ Lino, mpawo, amu ndikombele, a kukombela i... mizeezo yangu, ya Mwami, ikabe—ikabe Yakwe, ku bubotu Mbwe konzya.

⁴⁷ Lino, tu yanda kuvununa mu Bbuku lyakale, lya kaindi, lya mamanino... I Bbuku taanzi, Matalikilo 35, elyo tu yanda kubala buyo cibeela ciniini ca Magwalo awa kuzwa mu Bbuku lya Matalikilo. Elyo twa lomba kuti Leza uyo yungizya zileleko Zyakwe mbuli ntalisyo ya cintu cimwi nco tu yanda ku yiisya.

⁴⁸ Elyo mbangaye bayandisya kwiiya kwa Munsondo? Oh, oko ii... Mbangaye bazi oko nko kwakatalika lutaanzi? Nse boni janza. Ci baanga... Mbangaye bazi obo mbo cakaitwa lutaanzi? Ulikuli mukaintu wangu? We elede kuziba ceeco. Yaa. Ca kali...

⁴⁹ [Mukwesu Neville waamba, “Mukwesu Branham?”—Mul.] Inzya? [“Mission... Missionari umbi okuno cifumo cino.”] Missionari uumbi. Leza aku longezye. [“Mukwesu Naber.”] Mukwesu nguni? [“Mukwesu Naber.”] Mukwesu Naber, uli kuli? Sa inga watambika janza lyako, Mukwesu Naber? Leza aku longezye, mukwesu. Sa oyo mukaintu wako ula anduwe? Eco cili kabotu loko. Twa botelwa kuba a nduwe a mukwasyi wako antoomwe a ndiswe cifumo cino. Uli zyi kuti uli mu luyando lwa Leza. Mwabona? We elede kuba, cindi wanooli missionari, nywebo mwabona. Nkaambo, malailile alyonse ali, “Kamuya mu inyika yoonse akuyo kambauka Makanimabotu ku bantu boonse.”

⁵⁰ Ii muntu uli ngu missionari! Lino, Nse—Nse kwe ndaba maningi... *Missionari* ndi bbala bbotu loko, pele Ndi jisi ijwi bbotu kuli nco. Uli muapostolo. Mwabona? Mbo mbubo. Lino, ino bbala *muapostolo* lya kaamba nzi? “Umwi wakatumwa.” Ino bbala *missionari* lyaamba nzi? “Umwi wakatumwa.” Ncintu nciconya. Aboobo, mamisionari, basinsimi, bavangeli, bamayi, a beembeli, kubamba Mbungano. Sa mbo mbubo? Baapostolo, basinsimi... mbo baita. Aboobo, kufumbwa kuti koli wa missionari, na muapostolo, uli umwi wakatumwa aa Leza, ku mulimo, nkabela lyoonse uli luleme. Leza aku longezye, ngo mupailo wangu—wangu.

51 Mukwesu a Mucizi Foss bali mu lweendo lwabo kuya ku Cuba, ku masena akubelekela. Kuunka kuzwa ku zyooko zya caanda zya kunyiika, kusika ku masaka aapya loko aku musanza, nkambo aya Makanimabotu aelede ku kambaukwa mu inyika yoonse. Ameni. Ino nkucinca!

52 Ino uzwa kuli, mukwesu? [I mukwesu waamba, “Kuunka ku Israyeli lino, mukwesu.”—Mul.] Kuunka ku Israyeli.

53 Oh, Ndi yanda. . . Mwabona Mabel kakkede kusule okuya, Nda kali kunga ndaita mukaintu wangu a Mabel, ku mwiimbila:

Ba zwa Kujwe a Kumbo,
Bazwa ku manyika aakule,
Kupobola a Mwaami, kulya mbuli baswayi
Bakwe;
Obo mbo bala acoolwe bamuzwakule aba!
Kubona busyu Bwakwe busetekene,
Ii bumweka a mumuni Wabuleza;
Basizyaabiloi balelekedwe ba luzyalo Lwakwe,
Mbuli ngale mu musyini Wakwe kazibalama.

54 Sa tacika botiloko ku buzuba obo! Ameni. I Mwami amu longezye, kuli Israyeli; a nywebo, ku busena nko muya; zilongezyo zyangu kuli ndinywe bakwesu cifumo cino. Ameni.

55 Lino, katutana kujula Bbaibbele. . . Tu lizi kuti eci ncibalo, alimwi Leza uli jisi ciiyo cilembedwe akati ka mizila, nywebo mwabona. Aboobo, inga twa bala buyo cibalo a kulekela Leza ku tupa ciiyo. Aboobo atu kotamike mitwe yesu kwa kaindi kaniini biyo, ku mupailo.

56 Taata wesu Wakujulu, mu Zina lya Mwami Jesu, twa komba kuti Uu bweze Majwi aya ayo nge tuyo bala lino, a kwa Andaanya moonya mu myoyo yesu. Elyo atu boole cabutontozi, cabuumuzi, cakulibombya, cakubatama, mu Busyu Bwako. Elyo akube kuti Muuya Uusalala ubweze Ijwi lya Leza a kusanina moyo oonse. Kusanganya awangu omo, sa Ula cita, Mwami? Nkambo Nda cilomba mu Zina lya Kristo. Ameni.

57 Yaa, tula bala buyo kampango na tobilo, awa, kutegwa tu konzye kujana ntalisyo niini. Matalikilo ncepati ca lunyungu, tu lizi. Yaa. Tula talikila kampango ka 15.

Elyo muntu umwi waka mujana, . . . kabona, wa kali kutuntulika mu muunda: elyo mwaalumi waka mubuzya, kaamba, Ino yebo uyandaula nzi?

Elyo wa kati, Ndi yandaula bakwesu bangu: ndaambile, Nda ku lombamba, . . . ba sanina matanga abo.

Elyo mwaalumi—elyo mwaalumi wakati, Ba kaunka kale; nkambo Nda kabamvwa kabaamba, Atwe ende ku Dotani. Elyo Josefa waka tobela babunyina, a kubajana mu Dotani.

*Elyo cindi niba kamubona kulaale, akwalo katana
boola munsu kuli mbabo, kwiinda kuli ncico...walo
kuti amujaye.*

*Elyo ba kaamba umwi kuli umbi, Amubone, oyu
sikulota wasika.*

⁵⁸ Elyo akube kuti Mwami ape zileleko Zyakwe ku Ijwi Lyakwe. Lino, Matalikilo lyoonse, kuli ndime. . .

⁵⁹ Sena Nda mwaambila eco ncipati nzi mbo cakabede? Ngu Matalikilo. Nda syoma, ikuti na Nda bona, Matalikilo 37, a kutalikila kampango ka 15, a nywebo kuti mu ceengele. Lino tu...Nda syoma Nda kaamba 35, kaindi kainda. Nda jisi mapeeji obilo antoomwe. Nda—Nda usa. Eli Bbaibbele lyakaindi liniini lya Scofield, alimwi cibaanga nciyumu kuli ndime kubala, nkaambo Nda kainda makumi one, nywebo mulizi. Elyo ma. . .

⁶⁰ Ba ndaambila kuti Nde elede kuba a magilazi akubalila. Nda kaunka a kuyo langwalangwa meso angu, cindi Nde kasika aboobo Nda kacita kutantamuka Bbaibbele lyangu kuzwa kuli ndime. Elyo dokotela ula ndaambila kuti kuboko kwangu taku kalampi loko, kwainda kaindi, ku cijosya. Elyo Nda kasika ku...Kati Ndi yandikana magilazi akubalila. Nda kalingula meso angu, nkabela bakasoleka cakulondoka, teeni teeni. Pele Nda kali kukonzya kubona masusu kaabikkidwe aa cibuye, kubusena bumwi okuya, cabuteteete buyo. Pele kuibikka atala munsu lyangu...Wa kati, “Cindi wa jana...” Kati, “Ncinzi cibamba masusu ako kuba amvwi?”

Nda kati, “Ta ndizi pe.”

⁶¹ Wa kati, “Musela wa kukomena.” Ha-ha-ha! Wa kati, “Eco nce cilubide ku meso aa muntu cindi waindilila makumi one. Yebo, mubwini, mankolyo lyako zila landabala. Elyo weelede buyo ku—kweendelana a ncico, kwa mana.” Elyo Nda zumanana buyo kucizima. Elyo, ee, Nse jisi ciindi ca kuunka, pele Ndiyo—Ndiyo cita buzubabumwi, a kujana ii—ii kubala kwa kubala, cindi Nda unka kuyo yiisya kunji. Pele lino Nda bala buyo cibalo a kuzumanana. Elyo eci ngu...Ndi jisi eli Bbaibbele myaka minji yakainda, alimwi ndya kasimpe, mbulembo ncobeni bugambya.

⁶² Lino, mu Matalikilo, *Matalikilo* caamba “i kutalika” cipati ca lunyungu. Elyo amuyeeye, kuti, zintuzyonse ezyo ziliko sunu, zyakatalikila ncobeni mu Matalikilo. Aa kali matalikilo aa zintu zyoonse. Aa kali matalikilo aa—aa lufutuko. Aa kali matalikilo aa cibi. Aa kali matalikilo a tukamu toonse twa bukombi. Aa kali matalikilo aa Mbungano ya bwini. Aa kali matalikilo aa mbungano ya bubeji. Aa kali matalikilo aa bululami. Aa kali matalikilo aa lweeno. Aa kali matalikilo a zintu zyoonse, katalikila mu Matalikilo.

⁶³ Ni twali jisi buyo kutandila myeezi yotatwe ali ceeci, ku kkala mpoonya aa ciyo eci comwe, a kucisya buyo, kucaanga

ku Muuya Uusalala, ku ntambo zya Leza, a kuci zambaila buyo antoomwe. Akulangilila obo Ijwi lyoonse mbo linjilana kabotu a Majwi ambi. Cintu cibotu boobu!

⁶⁴ I Ijwi lya Leza lili mukunanika loko! Tacikwe makani na mbukkalo nzi, ciindi nzi, muntu oonse oyo uuli oonse waka bala Cibalo eci, kwiinda i...Kwa kalembwa lino kwa myaanda minji, inzya, kutandila zyuulu zyotatwe, zimbi, myaka. Elyo muntu aumwi wakasola kubala Cibalo eci, mu bukkalo abumwi, uli nanikidwe aa Ncico, mwabona, kampango koonse ka Lugwalo. Taakwe cintu cimbi cikonzya kusola kubweza busena Bwa ndulo.

⁶⁵ Ii bulembo obo bwa kalembedwe kaindi mu buzuba bumbi, cindi bwa balwa ku bukkalo obo a ku bukanze bwa mbubo, buli bambidwe. Inga nda kulembela lugwalo, a kwaamba, “Oyandwa mukwesu wangu, sunu Nda ali kubusena bumwi a kucita ceeci-a-ceeci, ciindi.” Eco ciinka kugama kuli nduwe, nkabela eco cila cibamba. Ndiza ku bumboni bwa nkuta na cintucimwi, inga caletwa ku bumboni bundi lwana na kuli ndime, ku nditondezya cintucimwi, na kutondezya cintucimwi kulwana ndime, pele inga teewaba mulumbe uugama mbuli mbo unga waba cindi wa pegwa kuli nduwe.

⁶⁶ Pele Bbaibbele talili boobo. Li pedwe ku mukowa wabantu, alimwi ku ziindi zyoonse a ku makkalo oonse, nkaambo Ndi Ijwi lya Leza lilembedwe. Mwabona? Majwi Aakwe takonzyi kukakilwa. Ta kafwi, alimwi kufumbwa kuti kakuli Butamani, kwalyonse a lyonse, aya ayooba a bupanduluzi bomwe, nkaambo ciindi cimwi A kazwa ku milomo ya Leza. Mwabona? Konzyi kukakilwa! Amu ciyeeye buyo eco, obo Ijwi lya Leza mbolili Butamani. Alo Mbuumi.

⁶⁷ Lino, ino ijwi ninzi? I ijwi muzeezo oyo waka tondezegwa. Elyo cindi Leza ayeeya kufumbwa cintu lomwe, muyeeyo buyo. Pele cindi wa tondezegwa lomwe, tau konzyi kusanduka na kucincwa. We elede kuba lyoonse.

⁶⁸ Nkaambo, ijwi lyako lili kozyenye buyo mbubonya mbuli mbobede. Ijwi lya Leza lili kozyenye mbubonya mbuli Mbwa bede. Ijwi lyako ncibeela cako. Cisyomezyo cako ncibotu loko mbubonya mbuli mbo konzya kuba. Acalo cisyomezyo ca Leza cikozyenye mbubonya buyo mbuli Mbwa konzya kuba.

⁶⁹ Lino, mbuli mukuba uufwika, ula konzya kubamba cisyomezyo a kucityola, nkaambo uli biyo uufwika buyo. Ndili muntu uufwika buyo. Pele, Leza, mukuba uutafwika, a mupatikompatila, a ujisi nguzuzyonse, ulikokoonse, Ula bamba kaambo, alimwi Uli zyi mamanino kuzwa ku matalikilo, alimwi Ula konzya ku cibamba.

⁷⁰ Abrahamu wakaita zintu ezyo zyatalikiko, mbuli kuti zyakaliko, nkaambo wakali lamidwe caku maninina kuti, eco Leza nca kasyomezya, Leza wakali kukonzya kucita, nkaambo

Na taka bamba cisyomezyo citakuti Wa kalizi eco cakeelede kuyooaba.

⁷¹ Mwabona obo mbo tukonzya kuyaama ku Ijwi Lyakwe mpawo? Takukwe makani obo guwo lyamvula mbo lyuunga canguzu, eco ciimpene kuli Ndilyo, kuyaama cakusinizya ku Ijwi. Leza waka Ca amba, Oyo wakabona lubazu lumbi lwa guwo lyamvula. Mwabona? Aboobo, ikuti na uli cisidwe, ko simpa buyo buntu bwako mu Mayubilo aa Kulyookezya. Ikuti nawa dinkwa aku fwabisigwa, koyeeya, Wa kati, “Njo oba andinywe lyoonse, akwalo kusikila kumamanino aa inyika.” Elyo Ngu. . . Wa kati, “Zintu zyoonse zilabeleka antoomwe ku bubotu kuli baabo bayanda Mwami,” aboobo amukkale buyo mpoonya awo.

⁷² Umwi muntu wakalemba, sikuyabila wakalemba, “Nkasi yangu ila jatilila mukati ka cisitilizyo.” Ino cisitilizyo ninzi? Ncintucimwi eco cijala awa kuzwa Awo. Elyo nkasi ili mukati ka cisitilizyo. To boni obo mbo iya kuba, pele ulizi kuti kuli ncintucimwi caka kujata, eco caka jata Awo.

⁷³ Elyo cindi lwizi lwa nounga akuba aguwo pati lyamvula, sena mwa kasola. . . Nda yeeyela ndiza bamwi banu tamunabede a coolwe kubona bwaato bwaka jatwa ku nkasi. Oh, ma! Nda kaatanta cindi niba kawaala nkasi yamu lwizi mbuli obo, kusikila ka kaato kaniini tee kakakonzya kuya atala i—i lya mayuwe. Ni kakainda mu mayuwe. Pele kufumbwa kuti nkasi yakali jisi, nkukoonse oko kubamba lwaandaano luli loonse.

⁷⁴ Naa twa inka atala lya ngawo, kungsi lya ngawo, na kwiinda muli ngawo, tacikwe makani; nkasi ilajata. Eyo nje nzila cindi maguwo amvula aa buumi bwaatalika kutu zungaanya. Kwayanda inga twa yandika kwiindamo, kwayanda inga twa tanta atala, kungsi, na koonse, pele amwi lekele buyo nkasi mukati ka cisitilizyo, kuli citalibonyi. Ta tuzi ncobeni awo mpo ibede, pele ili jatilide.

⁷⁵ Mbuli buyo mulombe muniini, nywebo mulizi, oyo waka jisi kaeti. Mwa kamvwa kaambyo kakaindi, kaano. Kati, “Mbobuti mbozi kuti ujisi kkaeti ku mamanino okuya?”

Kati, “Ndi cikonzya kucimvwa kacigwinya.”

⁷⁶ Aboobo, nce ncico. Ikuti na twa konzya kwiimvwa kai kwelakwela, Leza kabeleka a myoyo yesu, mpawo tu lizi kuti inkasi yesu ici jatilide.

⁷⁷ Nda syoma wakali Benjamin Franklin oyo wakajata lulabo mu bbodela, oyo waka bamba lulabo, malaiti. Cintucimwi muli nguwe cakaita, a kuti, “Nzeezyo nguzu muli ceeco. Ezyo nguzu zilakonzya kubambwa.” Alimwi na eco ncanguzu, kumwesya tugwagwa akubelesya kutenda mapulanga, kujula nyika, ncinzi cakali kukonzya kucita ikuti na lwaka bambwa? Liyo munika, a kumweka, a kuuma nyika yoonse. Elyo Benjamani Franklin, Nda syoma, kajisi ku kkaeti yakwe, a cijaluzyo ka caangidwe ku mamanino aa mucila wa njiyo, a bbodela kungsi kwini. Elyo cindi

naka ajana, ta kazi nca kajisi, pele wa katalika kukwiila, “Nda ajana! Nda ajana!” Ta kazi mbwa kabede; ta kazi eco ncakali kuyo cita a ngawo; pele wa kalizi kuti waka jisi cintucimwi.

Elyo nje nzila a muntu oonse oyo akwe:

Bulangizi buyakidwe ali cimwi cita
 Ku Bulowa bwa Jesu a bululami;
 Elyo koonse kuzunguluka buntu bwangu kupa
 nzila,
 Mpawo Walo mbulangizi bwangu a kukkala
 koonse.

Ali Kristo, Mwaala muyumu, Nda ima;
 Masena oonse ambi miseenga iibbila.

⁷⁸ Kuzyalululwa lomwe, Muuya Uusalala ula bweza busena Bwawo mu moyo. Bantu bamwi baniini inga teebe, na bakubusyi, na ndiza batayiide, takukwe makani mbo cibede; taakwe umwi ukonzya ku cipandulula, aboobo uta limvwi bubi nkaambo to yiide. To konzyi kucipandulula. Taakwe muntu waka konzya ku cipandulula, takukwe makani obo mbwali musongo na obo mbwali mupampu. Kalo nkaziye ka Leza Mwini. Pele cindi Ijwi eelyo lyatola Buumi mu moyo wako, nkabela wa Li bona, ula kwiila kuti, “Ndi Li jisi!” Yebo tozyi ncoya kucita a Ndilyo; tozyi eco Nco liyo cita a nduwe; pele ulizi kuti cintucimwi cakacitika, alimwi uli Li jisi.

⁷⁹ Lino, nkikaako, aa Ijwi! Calo ncibotu. Lino twa langanya cifumo cino, a kuba kumbele lyesu, kungsi lya kulanganya, ku kuyeeya kwangu, cimwi ca zibalo zipati maningi zyamu Cizuminano Cakale. Josefa (tula kanana aakuti) *Kaswaana Banabokwabo*. Inga kwaba nzila zyandeene Muuya Uusalala nzo unjila muli ceeci aku civungulula ku myoyo a muzeezo yesu. Aboobo, kuyeeya eci, mukuba mazuba masyoonto okuno, inga twa kanana aniini cifumo cino, nkaambo ka ciimo ciyumu mu kameneno, elyo mpawo ndiza ku cibweza alubo sunumasiku ikuti na mweembeli tajisi cintu cili coonse mu moyo wakwe, alimwi ndiza ku cizwidilizya a kucimanizya mu Muvulo masiku, ikuti na mboobo Leza mbwa cibamba munzila eyo.

⁸⁰ Lino, tuli zibilene kabotu a bube bwa Cizuminano Cakale, obo kuti, “Zyoonse zintu zyakaindi zyakali zimvule,” ba Hebrayo 11, “zimvule ca zintu zyeedele kuboola.” Obo mbocili cibotu, obo Leza mbwa tondezya kumbele!

⁸¹ Elyo cindi twa mvwa cimvule eci, mbuli mbo cakabede, tu lizi kuti kuli cintucimwi kwiindilila awa. I . . . Leza, mukuba ziba Kwakwe konse, mu mizeezo Yakwe mipatikompatila, mukubona cintucimwi kutandila kucitika, Ula konzya kupa kucencezya kwa kumbele kujatikizya ncico. Ula konzya kubamba zintuzyonse kubeleka antoomwe, nobuba bukali bwa muntu, ku Mu lumbaizya, nouba muntu umwi uukulanganya bubi. Mbuli mbo tuta jane, mu kaindi kaniini, ikuti na Mwami

wayanda, obo munyina wa Josefa mbwa kamucitila bubi, elyo Wa kanyona ncobeni, a kubweza ceeco a kucibamba kulumbaizya Nguwe. Aboobo, ta tujisi cintu cakulibilika, taakwe cintu.

⁸² Obo Leza, kwiinda mu mulombe oyo, wakali kutondezya kumbele kuboola kwa Mwami Jesu ciindi citaanzi, a kuboola kwa Mwami Jesu ciindi cabili, a kucibeleka conse mu buumi eco caka tazi kujatikizya eco cakali kucitika. Amen. Sena eco tacitici buyo cintucimwi kuli ndinywe, kubona Josefa muniini mucete? Baa, ta kazi eco cakali kucitika, baa zintu ezi zyoonse zyeede kucitika. Pele wakali Leza koonse, kabeleka, katondezya kumbele, kutondezya zintu kumbele ezyo zyakali kuyooaba.

⁸³ Mpawo inga wali bona Ijwi, obo mbo Li bweza awa a ku Li bala mu Matalikilo, ku Li bala akati ka Bbuku, Li bala kumamanino a Bbuku, alimwi Ijwi lyonse lila zuminana kabotu alimwi limbi mbuli obo. Alimwi Lya kalembwa myaka ili zyuulu zitantamukine, ku myaanda ya bantu bandeene. Mwabona? Aboobo, nkikaako, nywebo mwabona kuti ngu Leza koonse. Umwi mukutaziba uumbi, na kuziba kuti Bbuku lyakali lembwa, taakwe kujatikizya Ndilyo; ciindi cimbi, bukkalo bumbi.

⁸⁴ Elyo inga twa bona, sunu, kuti Leza uli mukubeleka mbubonya mbuli Mbwa kacita kaindi okuya. Tu unka buyo lino, kugolela mu mwaka mupya, kuzwa ku cimvule ca Kaindi. Alimwi nzila eyo ku matalikilo, obo Leza oyo, cindi Na kabona cibi kuti cakali ciya kutola bweendelezi bwaco aa nyika aku bantu, obo mabambe mapati bwa kapindamunwa; kutali kunyonganisigwa, kutali kulengwa lwabili, pele kupindamunwa buyo.

⁸⁵ Mwabona, Saatani takonzyi kulenga. Walo ukonzya buyo kupindamuna. Zintuzyonse nzo mubona, zi lubide, obo mbululami bwa kapindamunwa. Mwabona? Nywebo mwabona musondi mudaala mu kagwagwa, abo mbasinsi buyo bakapendulwa. Mwabona? Nywebo mwabona kufumbwa cintu eco cibyaabi, mwabona muntu kapona cakutasyomeka ku zikonke zyakwe ku mukaintu wakwe, obo mbululami bwa kapenduwa kuba bubi. Mubumbi, banakazi mu tugwagwa, kulilemeke mbuli mbo bacita akuba munzila njo babede, aba mbalindu bakapendulwa.

⁸⁶ Nda kainda muni lya Louisville, buzuba bumwi, mukaintu a Ndime, elyo Nda kabona citondezyo aa mpulungwido, twa kali kuzwa ku kukulya, kuya mu Fifth Street. Elyo kati, “Matafule aa balindu.”

⁸⁷ Nda kati, “Kwiina niba kajisi kkastoma.” Peepe, mulindu inga taa njila omuya. Cindi a njila omuya, tacili mulindu limbi. Mwabona? Aboobo, taakwe niba kajisi kkasitoma, kuni lya citondezyo eco. Balindu tabainki ku masena ayo. Pele, nywebo

mwabona, eco nce cuunka omuya, balindu bakapendulwa. Mwabona? Yaa.

Lino, Leza, ku kubamba zintu zyoonse ku Mu lumbaizya!

⁸⁸ Tu sekelela Krisimasi, kuzyalwa kwa Mwami Jesu. Kwalo, tabuli mbubonya buyo buzuba Bwakwe bwakuzyalwa. Buzuba bwakwe bwakuzyalwa bwakali mu Mukubwekaangala. Nkaambo, kula tontola ncobeni mu Judaya, na kutontola loko muli Nalupale, kwiinda mbo kubede okuno. Aboobo, tula mwisya obo. Mwaka cibona cifwanikiso buzuba bumwi, myootokala ya mpi kutala okuya mu caanda, a zintu mbuli ezyo, mu Judaya. Sa inga mwayeeyela beembezi kaba kkede aa cilundo mu bube bwaciindi mbuli obo? Pele, tabuli buzuba. Pele bwalo, buzuba, ta bwaambi maningi, kwalo i—i nkulanganya nko tujisi ku buzuba obo bwaka bikkwa ambali.

⁸⁹ Lino amubone. Mpoonya biyo Leza nakabona lunyungu lwa mwanakazi, a nzila mboba taka kamvvisya okuya a bululami bwa kapilinganisigwa, Leza wakapa cisyomezyo kuti kwiinda mu mwanakazi oyo inga kuyo boola Lunyungu lulelekedwe. Sa mwa cimvwa? Inga kuyooba Lunyungu.

⁹⁰ Elyo Saatani mbwa kamvwida buyo obo, oyo wakaimvwi kaliko, mbwa kamvwida buyo, wa kanjila kuyo nyonyoona Lunyungu olo. Elyo wa kasola kucicita muli Josefa. Wa kasola kwiinda mu bukkalo boonse. Elyo uci lwana Lunyungu olo lulelekedwe. Amen.

⁹¹ Ndi yanda kuti usame ngowani yako ya kuyeeyela iisakene, kwa kaindi kaniini buyo eno. Mbuli, kusama ngowani ya lufutuko, a kuswilila kabotu eno. Nceeci cintucimwi cipati ncobeni. Alimwi inga tozuminana a ncico; kuli kabotu. Pele, sa wakabona, mbo kwaabede buyo . . .

⁹² Kwa kaliko kale ii—ii kumita, nkambo eva waka ponede cakuta lulama alimwi waa kacitide cibi. Nkokuli eco nko cakazwida? Muu Matalikilo. Bantu sunu bali mukusola kujana ciswaanya citako akati ka munyama a muntu. Eci nciyubunuzyo. I Bbaibbele lya kaamba, kuti, “I muzoka waka mucenga mwanakazi.”

⁹³ Sunu, muntu inga wakomezya buumi bwa munyama, alimwi munyama ngo bajisi uli muni loko ku muntunsi ngu chimpanzii. bala konzya kumucitya kufweba ndombodo, kweenzya ncinga, kusama ngowani, kwi sendeka. Eco cili buyo mbuli “gee” a “haw” ku mbizi. Kwalo nkulila. Ta jisi buntu. Ta konzyi kuyeeya. Ula konzya buyo kwiinda mu kulila. Ta jisi buntu. Mpawo babulide ciswaanya citako, moonya mukati omu, eco ncoba kaalilwa kukonzya kujana. Elyo kwa myaka ili zyuulu zili cisambomwe ba kasola kujana kumvwa komwe kuzwa kuli chimpanzii, nkabela taba konzyi kucicita. Ta baka citi. Pele, tu lizi kuti tuli buumi bwa banyama. Tuli buumi bwa masamu, buzwa mu nyika.

⁹⁴ Mbuli Mbwe kali kwaamba buzuba bumwi, ku dilwe lya mucizi wesu uuyandwa. Tuli cikama ca tuntu tuli kkumi acisambomwe itwa nyika, twa mumuni wa kkozimiki, a petroliamu, a zintu kuzibikka antoomwe. Twa kali waano cindi Leza nakaamba a kuti, “A kube.” Mibili yesu yakaliko. Pele, Cintucimwi, Mizeezo ya simalela yaka tulenga muli obo mbo tubede lino. Ka tubamba kuba a maanza amaboko, a zimwi zimbi, kutali kutu nyonyoona, pele kuti tu konzye kupona kwalyonse. Cibi cakaleta lunyonyooko. Elyo Walo Oyo waka tubamba, kakutakwe ndiswe kuba a muzeezo uli oonse—oonse wakuba ano, Oyo waka tubamba a kuleta zintu ezi antoomwe a ku tubamba obo mbo tubede lino; sa Ta konzyi kunji loko, kwiinda ku kutupa nzila yakulisalila cakucita kwiitambula, alimwi kwiinda ku Ijwi ndilyonya eelyo lyaka tulenga, katu syomezya kuti Uyo tubusya alubo. Nkunji buti eyi petroliamu yonse kuya kwiileta antoomwe, a maatomu, azimwi zimbi, mu i . . . ku Ijwi lya Leza!

⁹⁵ Lino, ku matalikilo, cindi Leza nakaamba, nkabela Saatani waka liimvwi okuya elyo waka cimvwa.

⁹⁶ Elyo bantu basola kujana ciswaanya citako. Ndila mwaambila, ku ciyubunuzyo, ikuti na mula yanda ku citambula. Oyo muntu utawo, aakati ka munyama a muntu, ni nzoka, ka tana nyanzigwa mauulu aakwe. I Bbaibbele lyakati, “Wa kali simaanu kapati ku banyama boonse,” kutali reputailo, “wa boonse bamusokwe.” Wa kali umwi wakali kweena mwanakazi, mu bweebesi bwakwe, nkabela waa kamita. Elyo lino, kwiinda mukucita ceeco, a kubona cibi cakali kuboola, Leza wakabikka lutuko luli boobo aali nguwe kusikila sayaansi tai kaika kujani kuswaangana kumwi aakati ka nzoka eyi, mbuli mbo kuzizilwe asunu, a mukowa wabantu. Pele nceeco cilenge cako, ciwide cakaubauka, akati, eco caka swaanganya buumi bwa munyama antoomwe. Nceeco we.

⁹⁷ “Leza waka cisisa kuzwa ku basongo a basimaanu, pele uyo ciyubununa ku bana mbuli banga baiya.” Mwabona?

⁹⁸ Ngooyo muntu wanu wakawa, nzoka. Wa kaletwa kuzwa kunzila . . . simaanu loko, mupati loko, mubotu kapati, ukozyanya loko mbuli muntunsi. Elyo mpawo nkaambo ka bubu obu mbwa kacita kuli Eva, Wa kamu selusya ku reputailo, “Kweendela ada lyakwe, mazuba oonse aa buumi bwakwe, a suko lyeedele kuba cilyo cakwe.” Mpaawo sayaansi mpo ikonzya kubolela, alimwi samu lyabo lya gonkwa.

⁹⁹ Amubone, lino, mwanakazi mbwa kabonena buyo kuti waa . . . i . . . Lino, waa keenwa. Ta kaleta cibi. Waa keenwa. Waa kayeeya kuti cakali luleme. Pele, “Adamu ta keenwa,” kaamba Bbaibbele. Wa kalizi kuti cakali lubide, elyo waa kamucitya kucita cintu nciconya eco munyama nca kacitide.

100 Elyo waa kazyala mwana wakwe mutaanzi, kwalo, bube boonse bwa dyabulosi bwa kali mu mulombe oyo. Wa kali mujayi. Wa kali sibbivwe. Mbobuti mbo cikonzya kuzwa ku kalonga ako kanjoloma ika Leza? Ca kacita kuzwa ku bubu. Elyo mbwa kacitila buyo eci, mpawo walo, dyabulosi, waka belesya cibelesya cakwe.

101 Waa kazyala mwana wakwe wabili, oyo wakali mbuli Adamu, alimwi omuya wakali Abela. Elyo, cakufwambaana ncobeni, dyabulosi wakasola kunyonyoona lunyungu olo lwa bululami. Elyo wa kanyona a kujaya Abela, ku kutalika; cili ncikozyanyo ca Judasi a Jesu. Kamujaya aa cipaililo; awo, Jesu, Judasi—wakajaya Jesu, baka Mwa aba nsiliva zili makumi otatwe aku Mu sambalila. Yaa.

102 Pele, amubone. Cindi na kacita ceeco, mpawo Leza, cikozanyo ca Kristo, lufu a bubuke, Wa kabusya Seti ku kubweza busena bwakwe. Mwabona? Elyo dyabulosi waka tobela Seti.

103 Lino amulangilile. Antoomwe, kakutanaba lunyonyooko lwa zambangulwe, kwakali mizukulu minji ya bantu baka boola kwiinda mu bana ba Kaini, kuzwa ku nyika yaku Nodi, alimwi bakali bana sayaansi, basongo, bapampu, bantu babotu loko. Ba koonda lubulo akwalo. Ba kayaka maanda. Ba kali lusumpuko lubotu loko. I Bbaibbele lila zumanana a kwaamba obo mbo bakali kubeleka a mukuba, obo mbo bakali kubeleka a lubulo.

Pele, eyi nkamu imbi bakali basikutuntulika.

104 Pele, nkamu zyoonse zyakali zya bakombi. Kaini wakali mukombi. Abela wakali mukombi. Elyo Leza wakeenga munyinza, eyo yaka luleme. Kaini wakali mukombi buyo mbuli Abela. Bobilo bakayaka zipaililo. Bobilo baka syoma muli Leza. Bobilo baka komba Leza. Bobilo baka leta zipego.

105 Lino amu zilange inyungu zyobilo. Imwi, akulwana; imbi kaisola kunyonyoona lunyungu lululeme. Elyo wa kasola kunyonyoona Abela; wa kacita, pele Leza wakabusya Seti ku kubweza busena bwakwe. Wa kayeeya kuti waka jisi Jesu mpoonya awo. Amulange muciiindi ca bukkalo, masena oonse. Walo, busena boonse mbwa kaboola, wa kalusyanikizya olo Lunyungu. Cindi na kajaya omwe, na umbi, wa kayeeya kuti wakata Yooyo. Elyo, kumalekelo, wa—wa katobela Johane Mubapatizi, kumalekelo waka gonka mutwe wakwe. Wa kayeeya kuti waka Mu jata kaindi, pele wa kajana kuti Wa kali okuno muli Jesu. Wa kajaya boonse bavwanda. Elyo, Musa; wa kasola kujaya Musa. Wa kasola nzila yoonse njakali kukonzya kunyonyoona Mbutu eyo, elyo cindi na kajaya Kristo aa Kalivari; pele Leza waka Mu busya alimwi, buzuba bwatatu, elyo mpawo Wa katuma Muuya Uusalala kujoka ku kwiita bana balombe abasimbi kuli Leza. Alimwi olo ndoonya lunyungu, lubi lwa

bukombi lucipenzya olo Lunyungu lululeme nekuba asunu. Mwa cibona? Ba sola kunyonyoona Mutabi oyo uululeme wa Leza.

¹⁰⁶ Lino, mabazu obilo, ikuti na mwalangisya, ca katalikila mu Matalikilo, mukombi ku mabazu obilo. Umwi wabo, wakabungwe, balisumpula. Elyo umwi umbi, mubombe, keenda mu Muuya, kwiinda ku ciyubunuzyo.

¹⁰⁷ Mbobuti Abela mbwa kakonzya kusola kuziba kuti kakali kabelele mu busena bwa micelo kuzwa ku muunda? Nkaambo caka yubununwa kuli nguwe, kwiinda ku ciyubunuzyo ca Buleza.

¹⁰⁸ Jesu wakaamba mbubonya, cindi Petro naka Mu zubulula kuba Mwana wa Leza. Wa kati, “Muntu uulya maila taku yubunwida eci, pele Taata Wangu oyo uuli ku Julu waku yubunwida eci. Atala aa mwaala oyu. . .” I mwaala, kutali Petro, kutali Jesu, pele aa ciyubunuzyo ca Buleza. “Nzo yaka Mbungano Yangu, nkabela milyango ya gehena taikonzyi Kwi izunda.” Sa mwa cimvwa? Calo nciyubunuzyo ca Buleza.

¹⁰⁹ Lino amulangilile. Nguzu zyoonse, zya ciindi, kuya, baka swaana busyu ku busyu a kucilwana. Amulange cindi Moabu niyakali atala lya cilundu, nkabela Israyeli yakali mu kkuti. Elyo Israyeli kailomba buyo mbuli wabunyina, mulombwana, wiinda mu cisi cabo, kuya ku nyika ya cisyomezyo eyo Leza nja kabasyomezya; kulomba buyo ku lubukulusyo luniini mu mbungano yabo, mbuli mbo cakabede. Kwiinda buyo mu cisi, a kusyomezya kuti bayo bbadelela bwizu obo ng’ombe mbo zyakalya. Elyo niba kaunka kwiinda ku mugwagwa mupati wa mwaami, a zintu ezyo nzo bakali kuno cita mbuli mbo bairinda mu nyika, alimwi bayo cilulamika. Pele, bbivwe. . .

¹¹⁰ Lino, Moabu, cisi ca Moabu tee cakali ca buhedeni. Ba kali kusyoma muli Leza nguonya oyo Israyeli ngwa kasyoma mo, nkambo bakali bana balombe iba bana basimbi ba Lota; Mwana musimbi wa Lota oyo wakamita kucindi Lota naka koledwe, kwinda kuli bawisi beni. Elyo ba kaunka okuya, elyo ba. . . Nko nkuko ba Moabu aba nkoba kazwida.

¹¹¹ Elyo cindi musinsimi wabo nakayutuka, mwiiyi wabo, waka sondokede ku mali, a kuyaka zipaililo, zipaililo zili ciloba, ngounya buyo musela wa zipaililo wakali kuyandika ansi awa. Ngooyu Moabu ukkede awa, nyika mbotu yakabungwe, yoonse yakabambwa aku kozyanisigwa.

¹¹² Elyo mpaawa kwakali Israyeli, mubumbulusi uusalala wakaindi muniini waka tuntulika koonse mu matente, kuzwa ku busena kuyaku busena. Nywebo mwati, “Mubumbulusi uusalala”? Ba kali obo ncobeni, ikuti na ba—ba bede eco ncobaita, sunu, mubumbulusi uusalala.

¹¹³ Cindi niba kalanduka Lwizi Lusalala, nkabela Leza wakacita maleele kumbele lyabo, Miriamu waka kwempa nsaka a kutalika kuuma nsaka, a kuzuza kuselemuka nkomwe,

kukwiila a kusotauka, a kuzyana mu Muuya. Elyo bana basimbi ba Israyeli kaba mutobela, kasotauka, kukwiila, kuzyana mu Muuya. Elyo Musa wakaima a maanza akwe mujulu, antela kaimba mu cisyobo eco umwi nca takalina kusola kumvwa, lwiimbo lwakuti taakwe muntu wakali kukonzya kumvwiya. Wa kaimba ku Mwami, mu Muuya. Ikuti na abo tabali babumbulusi basalala basunu, Ta ndizi oko kwa kuba yandaula. Ba kajisi zitondezyo a zigambyo a mbabo.

¹¹⁴ Lino, ikuti na Leza ulemeka biyo simbaakani, amulangisye awa. Moabu, kwaambaula kwa Lugwalo, wakali simbaakani mbuli Israyeli mbwa kabede. Wa kajisi zintuzyonse ezyo Israyeli nzoya kajisi. Wa kajisi zipaililo zili ciloba. Nce ncico Leza ncakali kuyanda; Israyeli yaka jisi zipaililo zili ciloba. Wa kajisi zituuzyo zisalala zili ciloba. Israyeli yaka jisi zituuzyo zisalala zili ciloba. Ngooyo Kaini a Abela, alubo. Mwabona? Yaa. Wa katuula basune bali ciloba. Wa katuula basune bali ciloba. Wa katuula bagutu bambelele bali ciloba, kabaamba kuti. . . kasyoma kuti Kristo uyo boola. Wa katuula bagutu bambelele bali ciloba, cintu nciconya. Mbuli simbaakani mbuli simbaakani mbwa konzya kuba!

¹¹⁵ Kaini wakayaka cipaililo; Abela wakayaka cipaililo. Kaini wakatuula cituuzyo; Abela wakatuula cituuzyo. Abela wakakomba; Kaini wakakomba. Pele, Leza waka simpikizya, katondezya kuti Abela wakali kusala Kwakwe.

¹¹⁶ Leza wakatondezya awa kuti Israyeli wakali kusala Kwakwe, nkambo Israyeli yaka jisi cigambyociinda mu cilawo cayo. Nekubakuti, a bulubizi bwabo boonse, ba kajisi Musumpululu wa Mulilo kau batobela. Ba kajisi mulungo wa kuponesegwa kwa Buleza, a kucita kuponesegwa kwa Buleza; nzoka. Ba kajisi mwaala wakaumwa. Ba kajisi zitondezyo a zigambyo mu cilawo.

¹¹⁷ Cindi Johane nakasika, wa kali cigambyociinda. Cindi Jesu nakasika, cakali cigambyociinda. Elyo sinkondo, ku lubazu lwa mbaakani, lyoonse waka penzya cigambyociinda.

¹¹⁸ Sa mwabona eco ncali mukusola kucita sunu? I cintu nciconya, “Kusampula kuponesegwa kwa Buleza! Kuzimaazyu bantu aba! Takukwe cintu kuli mbabo!” I bantu balemekwa, bantu bapati! “Bala basinkila!” Mukwesu, tacili cintu pele musaansa oyo, kaunyonanyona kwiinda ku Matalikilo, kaboola mu Ciyubunuzyo.

¹¹⁹ Nda bweza lubazu lwangu a babumbulusi basalala! . . .? . . . Acibe kufumbwa . . .Nsena bwene mubumbulusi uusalala. Eelyo ndi zina dyabulosi ndya kabikka aa Mbungano ya Leza, kakuli tali zulilwi okuya. Tabali babumbulusi basalala. Mbana balombe abasimbi iba Leza, batamvugwi kabotu ku inyika.

¹²⁰ Lino, Josefa wakazyalwa kuli wisi, alimwi wakali kuyandwa aa wisi wakwe, alimwi waka sulaikwa a babunyina bakwe. Lino

amubone, cifwanikiso cilondokede ica Mwami Jesu. Ndi yanda kuti mubone obo buumi Bwakwe mbo bwa katondezya buyo, mu Cizuminano Cakale, zintuzyonse zya katondezya lino. Amulange kusule okuya a kubona cifoto; nceeco cimvule, alimwi mula bona obo cintu cini mbo cibede. Lino amubone, Josefa, mukuba cikozyanyo ca Kristo, cikozyanyo ca Mbungano, cikozyanyo ca Muuya Uusalala. Cikozyanyo... Wa kali mweendelezi wa kuzwidilila, mbubonya mbuli Kristo mbwa bedede, mbuli buyo Mbungano sunu.

¹²¹ Amubone, alubo, kuti, cindi na kazyalwa, wisi waka muyanda alimwi wa kamupangila bbaki lya mibala minji. Lino, kuli biyo mibala ili ciloba ilondokede mu mibala yoonse. Yoonse imbi ipangwa ku mibala eyi. Alimwi bbaki antela lya kajisi mibala muli ndilyo, mibala ili ciloba yiindene, myeengo ya mibala, mu bbaki bawisi ndyoba kapanga. Ikuti na mwalangisya, ndiza Jakobo taka mvwisya eco ku ciindi, pele eco cakatondezya “Umwi Waka syomezegwa.” Cindi Leza nakapa Nowa citondezyo ca fulicoongo, mibala ili ciloba, cakali cisyomezyo, na Umwi wa Cipangano. Leza wakapanga cipangano cakuti Ta kanyonyooni limbi inyika kubelesya maanzi.

¹²² Elyo cipangano ca Leza caka bwezegwa akwalo kwiinda muli Jakobo, muli Josefa. Abrahamu wakali kusalwa, alimwi Izaka wakali kululamikwa, alimwi Israyeli wakali luzyalo, alimwi Josefa wakali bulondosi. Oyo wakali umwi luzutu waka jisi mibala.

¹²³ Tula bona Jesu kakkede aa Cuuno cabwami, a mibala, fulicoongo ka Mu zungulukide, mu Ciyubunuzyo 1. Cakali cipangano ca Leza a bantu. Kristo... Nceeci we. Oh, obo Mbwe yanda kuti mucibone! Kristo ncipangano ca Leza a bantu Bakwe. Kutali tubungwe; pele Kristo ncipangano ca Leza.

¹²⁴ Mbuli Josefa mbwa kasulaikidwe, mbubonya Kristo mbwa kasulaikidwe asunu. Ta bayandi kwaamba kuti bala musulaika Kristo, pele milimo yabo ilatondezya eco ncoba cita. Ba lwana bweende boonse Bwakwe; kwaamba zya micito Yakwe, milimo Yakwe, ya kucita zigambya Zyakwe. Ee, masimpe, tu jisi Saatani ku cilabba, acalo, kalwana kuzwa. Ncamasimpe. Elyo bayo tondeka ku majwi aa Saatani. Pele, Ta ndikwe makani eco Saatani nca cita ku—ku sola kunyonganya. Ijwi lya Leza lilaima cakulondoka, alimwi cisyomezyo Cakwe cili londokede. Nse kayandi kusangana a nkamu eyo.

¹²⁵ Amubone, ngooyo Mbwa kabede, Cipangano. “Kristo wa keelede kulangwa mbuli bbwe lya jasipi a sardiasi,” mu Ciyubunuzyo. Eelyo lyakali bbwe lya lukolo...bbwe lya kuzyalwa, mubwini, kuzwa kuli Reubeni kuya kuli Benjamini. Eco cakali citondezyo ca sardiasi a jasipi, mbuli mbo bakatondezya antoomwe kungsi lya Mumuni wa Leza,

kabamba cizuminano kuzunguluka Kristo, fulicoongo. Elyo ino caamba nzi? Rubeni, mupati kwiinda; Benjameni, munini kwiinda! Kuzwa ku mataanzi kusika kuli wa mamanino, “Wa kali umwi oyo Wakaliko, Oyo uuliko, a Uyo Boola; i Muyanda, i Cisyuukila ca Davida. Walo ni Nyenyezi yaku Bucedo. Walo uzwa ku A kusikaku Z; Alufa, Omega; Kutondezegwa kwa Leza kuzwa ku matalikilo aa ciindi kusika ku mamanino aa ciindi. Ngooyo mbwa bedede, cipangano ca Leza a bantu Bakwe.

¹²⁶ Elyo zyoonse ezi zintu zimbi, Josefa, Davida, basinsimi boonse, cakali kutondezegwa buyo. Ameni. Kutondezya, kuzwa ku Lunyungu lwini kuzwa mu muunda wa Edeni, kusikila ku ciindi eco Uyo boola ciindi cabili, mu Bulemu, kutambula bantu Bakwe a Mbungano Yakwe. Nceeco we, bweebesi bwa kulanga.

¹²⁷ Josefa, babunyina bakwe bakali sikamikami a nguwe. “Ba kamusula, kakutakwe kaambo,” nkaambo wa kali naninikidwe mu kugambya kwiinda. Mwa cimvwa na? Kaini waka sula Abela, kakutakwe kaambo, nkaambo kakuba wakananikwa cigambyakwiinda. Moabu yaka sula Israyeli, kakutakwe kaambo, nkaambo baka jisi kuponesegwa kwa Buleza, zitondezyo, zigambyo, a maleele. Waka musulaika, kakutakwe kaambo, alimwi taka muzumizya kwiinda . . .

¹²⁸ [Kabeela katakwe cintu aa teepu—Mul.] . . . kuba a mukaintu wa munyoko. Ameni. [Kabeela katakwecintu aa teepu.]

¹²⁹ Lino, beenzuma bayandwa, Ndi yanda kuleta cintucimwi mu kwiibaluka kwanu, elyo Ndi yanda kuti mubikke kungsi lya kabambo kasanu ku lubazu lwa lumwesi, mu tente elyo olo litegwa moyo.

¹³⁰ Taakwe, mu bukkalo buli boonse na ku ciindi cili coonse, eco Leza ncakasola kunanika muntu, sa wakasola kwiinka ku lubazu lwa bukombi, bategwa bantu bakombi iba inyika. Kwiina nakanjilana a tubungwe. Lyoonse, wa kaima kulwana, a kulwana tubungwe twa buzuba, a kulwana bubambe bwa bukombi ibwa buzuba. Nditondezye musinsimi omwe, nditondezye ciindi cimwi kwiinda mu Bbaibbele, awo muntu wa Leza uliwoonse mpa kasola kweendelana ankamu zitegwa nzya bukombi zyamu buzuba bwakwe. Ameni.

¹³¹ Awalo Eliya, nakamana kuyaka cikolo ca basinsimi, baa, cindi nakatanta kutala okuya, ba kali kuyanda kuti azwe. Wa kati, “Kuli londokede loko awa.” Nywebo mwabona? Ahabu a basololi babukombi ba buzuba bwakwe; Eliya wakali pambula mwini, ku Cilundu ca Karimeleki.

¹³² Amulangilile Johane Mubapatizi, kalyandaanya mwini, taakwe akwalo nakaunka ku cikolo cabo, ku kwiiya lwiiyo lwabo lwabukombi. Pele, Leza waka mutuma mu nkanda, kuyo mubamba nkaambo ka mulimo.

133 Mputi ya Kaini taka konzya kusama jakete lyabo lyabupaizi lya muntu wa Leza. Ta cikaeleli. Mbo mbubo. Amubone, kwiinda mu makkalo.

134 Elyo cindi Jesu nakasika, takwe Na akasola kubuzya baba omwe wa basilwiiyo lwabukombi, pele waka baita kuti, “I nkamu ya bacipile, na nzoka mu bwizu.”

135 Kwiina basikwiiya niba kasola kuzwidilila kuli kamwi ka tubungwe twabo. Ba kali ku lubazu lwa Abela.

136 Taakwe Josefa nakasola kweezyanisigwa ambabo. Wa kasulaikwa a kukakwa, ku bukanze mbubonya obo bamwi babo mbo bakabede. Nkaambo, Leza wakali a nguwe mu nzila ya cigambyociinda, alimwi mu nzila yandeene kwiinda obo Mbwa kabede a bamwi babo. Elyo baka musulaika, kakutakwe kaambo. Kaini waka sulaika Abela, kakutakwe kaambo. I banabakwabo baka musulaika Josefa, kakutakwe kaambo.

137 Elyo, sunu, inyika yatubungwe, takukwe makani obo mboili mpati; Nda kasamununa ngowani yangu, a kwaamba, “Alumbwe Leza nkambo ka mbabo.” Pele, mu kuyiisya kwabo koonse kupati, mambungano abo mapati, zintu zipati; nekubaboobo, muli coonse caco, Leza wiita bantu kuzwa kutaba a cintu cakucita a ncico, nkaambo taba kazuminani a cigambyociinda. Nkooko kuzumanana, sunu; alimwi bala bijilwa kweenda oko, kakutakwe kaambo.

138 Nda kamvwa muntu kaamba buzuba bumwi, eco cakatandila kusandula bulowa bwangu maanzi, kumvwa muntu ujisi koongelezya, mukambausi wa Baptisti mupati.

139 Elyo wa kali kwaambaula, kuti, tii cakali ca Lugwalo ku muntu uuli oonse ku komba mulindu Maria. Obo mbocili bwini! Mbo mbubo. Wa kati kwakanyina Lugwalo, lwa kukomba muntu uli oonse cita Kristo. Mbo mbubo. Wa kati, “Leza wakali muli Kristo, alimwi muli Nguwe mwakali buzule bwa Buleza.” Mbo mbubo.

140 Elyo mpawo, kumane oko konse kwiiya, kubotu loko kwa Magwalo, wanyona a kwaamba kuti, “Taakwe nokwakali maleele akacitwa mu inyika.” Nkaambo walo muyumu loko kulwana kuponesegwa kwa Buleza, kanyona koonse a kwaamba, “Kwakanyina maleele akacitwa kwiinde lufu lwa Kristo. Taakwe muntu wakabusya bafu, Kristo nakamana, nkaambo kakuti Wa kali Umwi alikke Oyo waka jisi Buumi Butamani.”

141 Pele, Nda mwaambila, kuti Jesu Kristo, Mwana wa Leza, kaambila basikwiiya Bakwe ku, “Kamuya a kuyo kambauka Makanimabotu; kuponya baciswa; a kubusya bafu; a kusalazya basicinsenda.” Nce ncico eco Jesu nca kaambila basikwiiya Bakwe.

142 Mbobuti bantu mbobakonzya kuba basibukombi boofweede loko? Ba kaba a mizeezo iisuumene nkaambo ka zisinkila

zyatubungwe a kusulaika babunyina, kakutakwe kaambo. Mwa cibona? Aboobo kusyaankana loko, baniini loko, bala cicita nkaambo bo ka mpuwo zyabo.

¹⁴³ Ii mukutausi mupati wa cisi sunu, waka buzigwa kaambo nca taka tambula lubapatizyo lwa Muuya Uusalala, camana kutuulwa kwiinda ku bantu bamwi kwiiminina nguwe, abo baka tambula lubapatizyo lwa Muuya Uusalala. Wa kati, “Ciyonyonganya mulimo wangu.” Ikuti na wa ndaambila, kufumbwa ciindi. . .

¹⁴⁴ Inga canyonganya mulimo wa mugame, pele tacika cikanyonganyi mulimo wa Jesu Kristo oyo weelede kubwezegwa. Cyo sumpuka kwiindilila kaambo ka mulimo wa Jesu Kristo.

¹⁴⁵ Pele aba Ba. Dokota wakaamba kuti taakwe muntu wakasola kubuka kuzwa ku bafu. Kati, “Ndi lizi kuli nkamu ya babumbulusi basalala mu cisi sunu, abo bataminina kuti bakabona bafu kababusigwa. Pele,” kati, “aah! Takukwe cizibyo casayaansi ca kuponesegwa kuli konse na cintu cimwi cimbi.”

¹⁴⁶ Lino, nywebo mwabona, nceeci we, mukwesu a mucizi wangu. Ndi yanda kuti mubone ceeci kabotu loko. I kaambo nka, nka boobu. Sunu, bantu. . .

¹⁴⁷ Mu mazuba aa Mwami Jesu, mu mazuba aa Zizuminano, cindi bantu noba kasyoma muli Leza, ba kamvwa maleele kaacitwa, taakwe niba kasola kucitondezya munzila ya sayaansi. Ba ka citambula. Ba kacisyoma buyo, nkambo bakalizi kuti Leza mbwakabede.

¹⁴⁸ Pele, sunu, nkamu ya batasyomi yaka njila mu milimo ya bukombi, eno uli mukusola kutondezya zintu munzila yasayaansi.

¹⁴⁹ Elyo anda ambe ceeci, mbuli mbo ciboola kuzwa ku Julu, Nda syoma, ku moyo wangu. Takukwe ciindi cakuti inga catondezegwa. Nkaambo, ikuti na wakonzya kutondezya Leza, nkokuti Ta kazuminwi limbi ku lusyomo; calo ncizibyo. Tula syoma Leza a maleele Aakwe, ku lusyomo. Tu laita zintu ezyo zyalo zitako, mbuli kuti zyakaliko, nkaambo Leza wa kaamba boobo; tacikwe makani obo mbo cibede.

¹⁵⁰ Abrahamu takali kukonzya kutondezya kuti insinga zya mukupa zya Sarah teezya kayuminina. Ta kakonzya kutondezya kuti—kuti tupila, azimwi zimbi, kutakonzya kuba akumita. Ba, waa kali kukonzya. . . Teeba kali kukonzya kutondezya cimwi ca ceeci. Tii baka konzya kutondezya ndiza, kwiinda ku kusunkwa kwa mbuto, kuti zyakali aamunzuka. Pele waka cisyoma, nekuba, a kukaka cintu cili coonse eco caka impene kuli ncico, a kwiita zintu ezyo zyatakaliko, mbuli kuti zyakaliko. Nkaambo, mukati ka cisitilizyo, bulangizi bwa Leza bwakakkede aa Ijwi Iya Leza, a kwiita zintu ezyo, zyasayaansi na pe, “I bwini, nkaambo Leza wakaamba boobo.” Mpaawo we.

¹⁵¹ Tula syoma. Ku lusyomo tula citambula. Pele, ikuti na mukwesu, kutali kukazyanya a nguwe, Nse syomi muli ceeco. Pele ikuti na mukwesu nakabala buyo obo mbuli Paulo mbwa kaumwa mabwe calufu, elyo basalali baka mwi iminina a kukomba kusikila buumi bwa jokela muli nguwe. Obo Paulo mbwa kakambauka busiku boonse, busiku bumwi, nkabela muntu wakawa kuzwa ku mpulungwido ya mujulu a kulijaya mwini, mwaalumi mukubusyi; elyo Paulo wakalazika mubili wakwe atala lyakwe, nkabela Muuya wa buumi waka jokela muli nguwe alubo. Obo Eliya mbwa kabusya muvwanda wa mwanakazi nakamana kufwa, akwalo myaka ili myaanda ili lusele kakutanaba Kuboola kwa Kristo. Bantu, akwalo kaba jisi cilongezyo ca Muuya Uusalala, kacita maleele ayo balombwana aba ngoba yoowa kulwana Muuya Uusalala. Ma, ma! Obo mbo cuusisya nsoni!

¹⁵² Nkaambonzi? Ngu kaambo kakuti mba sikamikami, nkabela bala sulaika babunyina babo, kakutakwe kaambo; mbubonya mbuli Josefa mbwa kasulaikwa, kakutakwe kaambo. Mwa cibona? Wa kasulaikwa. Kutali kaambo kakuti wa kali kweelela kusulaikwa; nkaambo, kakutakwe kaambo. Tiiba kamusyoma. Wa kali kupona mu cilao caandeene.

¹⁵³ Elyo Nda amba ceeci, lino, mbuli ciindi cesu mbo ciya bufwiimpa. Nda amba ceeci a kululama konse kwa moyo. Bala sulaika Mbungano, sunu, eyo ijisi cigambyociinda. Ndi bbivwe. Ndi bbivwe, alimwi lilaba akati ka bantunsi.

¹⁵⁴ I basikwiya bakali cijisi. Ba kausila nsoni loko lwabo! Nkaambo, mazuba ali kkumi kakutanaba, Leza waka bapa nguzu zya kuponya balwazi, a kutanda madaimona, a kubusya bafu. Elyo baka jisi mulombe wa kasuntu kumbele lyabo, nkabela baka kakilwa. Elyo Jesu, cindi Na kaseluka kuzwa ku cilundu, a kuponya mulombe. Elyo baka Mu buzya, “Nkaambonzi nco tu takonzyi?” Ta kaamba kuti, “Nda—Nda josya Nguzu zyangu.” Wa kati, “Nda amupa Nguzu.” Nda mutondezya awo Mpa Ka Upa ku Mbungano, pele nywebo tamu konzyi kundi tondezya awo Mpa kasola ku Ci josya. Mwabona? Ino Jesu waka bikka nzi a Majwi Akwe aasinizizeye? “Nkaambo ka kutasyoma kwanu.”

¹⁵⁵ Elyo mpawo, mazuba masyoonto naakainda, ba kajana muntu oyo watakali mu cilao cabo cabupaizi. Wa kamvwa Jesu kaamba zintu ezi, nkabela wakali kucita mulimo. Wa kali kutanda badyabolosi. Elyo Petro a Johane bakasika kumwaambila kuti wa keelede kuzulilwa ku nkamu yabo nape ta elede kucita ceeci. “Muyo elela ku tutobela a kuswaanganya antoomwe a ndiswe. Tuli mbungano, alimwi mweelede kucicita!” Wa kabalekela kuziba kujanika ku mulimo wabo beni. Wa kali kuzwidilila kabotu loko kakutakwe kusangana kabunga kabo.

156 Aboobo, mbuli tukocikala twabwanakazi tuniini, mbuli mbo tujisi sunu; mizeezo, miini ya bana, mizeezo miniini ya bana, baka zuza kujoka a kwaamba, “Twa kamujana, nkabela wakali kutanda badyabulosi.” Elyo cakali cinzi? Ba kali babbivwe nkaambo wa kali kucita eco ncoba takali kukonzya kucita. Ba kali basinyama. Meso abo, ku kumvwisya kwabo, kwakali mbuli babunyina ba Josefa, tiiba kalina munikilwa, aboobo baka joka aku mubalalikila, a kwaambila Jesu.

157 Elyo Jesu wakati, “Amu muleke alikke.” Ameni. “Walo ucita mulimo mubotu. Uli mukucita eco Nce kamulailila kucita, nkabela mula kakilwa kucicita.” “Leza ulakonzya ku mabwe aya kubusya bana kuli Abrahamu.”

158 Aboobo lino, nobayandwa bangu ba Methodisti a ba Baptisti aba Presbyteria babunyina, nkaambo kakuti muyeeya kuti ceelede kuboola kwiinda mu mbungano yanu, Leza ulakonzya kubusya aba babumbulusi basalala kuba mabwe kuli Abrahamu. Mbo mbubo. Uyo oba a muntuumwi uya kucita mulimo Wakwe. Mbo mbubo. A kukakilwa akulubizya kwabo konse a kumbi, ba kabamba, mbubonya Israyeli mboya kacita cintu nciconya, pele olo Lunyungu lululeme lulazumanana.

159 Ndili kkomene kapati kuti inga Nda ti Ndili umwi wa baabo. Ku luzyalo lwa Leza, sunu, tuli bamwi babaabo. Ndili kkomene kapati kuli ncico, tamuli obo na? Moyo wangu wabotelwa, ku matalikilo a mwaka oyu mupya, kuziba kuti Leza, kwiinda mu luzyalo Lwakwe lugambya, waka sanganya zina lyangu mu Bbuku lya Buumi, ku ndipa kumvwisya kuti Ndi swaangene akati ka bantu Bakwe abo batande. Elyo, a basikwiiya, inga Nda amba eci, Nda cibala coolwe ca kuyumuna sampu lya Zina Lyakwe. Iiyi, munene. Ndili kkomene kapati kuti Ndili umwi wabo.

160 Elyo lino twa talika awa a Josefa, aa kuswaangana kutobela, eco inga caba sunumasiku na busiku bwa Muvulo, bumwi, nkaambo ciindi cesu cili manide.

161 Pele, Nda Mu yanda. Sena mula Mu yanda? Walo mubotu. Elyo Ndili kkomene loko sunu kuti inga Nda swaanganya maanza a katambo ako ka basampaulwa a kukakwa, a kusulaikwa ku bupaizi kuselemukila mu cisi. Mbaaba we. Baansi maningi. Mbo mbubo. Zya bupaizi, ku kanana zya inyika, zyalwiiyo, kukanana kutambulwa, bali atala lyabo. Elyo tuli kkomene kuba babombe. Nkaambo, abo bayo libombya beni, Leza uyo boola buzuba bumwi ciindi cabili, mu Bulemu, ku kusumpula Mbungano Yakwe. Kusikila eelyo, “Atu lwane cakusinizya ku Lusyomo lwaka pegwa ku basalali ciindi cimwi.”

Atu kombe.

162 Lino a mitwe yesu kiikoteme, Nda libuzya na inga kwaba umwi cifumo cino, na banji, Nda syoma, oyo utana tambula Kristo oyu, a zilongezyo Zyakwe zipati a nguzu Zyakwe zipati.

Elyo tula libuzya, sunu, ikuti na inga wabamba kusala kwako sunu, a kwaamba, “Mwami Jesu, nde Ndime. Elyo Ndi yanda kuba mulanda Wako, a moyo wangu oonse, kubweza nzila ya bace basampaulwa iba Mwami. Nda bona lino, Mwami, tacili ceeco inyika ncoi kanana; nceeco Bbaibbele Lyako ncoli kanana. Tacili ceeco inyika ncoi ndiita. Bala ndisulaika, mbuli mbo bakacita Josefa. Bala ndisulaika, mbuli mbo bakacita Abela. Bala ndisulaika, mbuli mbo bakacita Johane. Bala ndisulaika, mbuli mbo bakacita Daniele. Bala ndisulaika, mbuli mbo bakacita Ezekieli, mbuli Zekariya. Bala ndisulaika, mbuli mbo bakacita Jesu. Bala ndisulaika, mbuli mbo bakacita baapostolo abaabo baka Ku tobela, kakutakwe kaambo. Mwami, Nda bakombela.”

¹⁶³ Sa wakasola kutambula luzibo mbuli olo, kuti wakazwa? “Elyo tuli bupaizi bwabwami, cisi cisalala, kutuula zituuzyo zya kumuuya kuli Leza; Mupa kulumbaizya nkokuti, micelo ya milomo yesu, kupa kulumbaizya.” Sa inga waima akati ka inyika yapenzegwa? Sa inga waima kumbele lya simalela wako? Sa inga waimikila a bubombe mu moyo wako, a luyandisyo mu moyo wako, kuli basizibi ba inyika eyi, a Buumi bwa Kristo muli ndinywe, a kupa bumboni a kulumbaizya ku bulemu bwa Leza? Ikuti na tojisi luzibo olo, nkaambonzi kutali kutalika nyika, buumi, zintuzyonse cabupya, sunu, kwiinda ku kutambika janza lyako kuli Nguwe, a kwaamba, “Mebo eno, Mwami, zumina eco, alimwi Uyanda kuti undipe lubbizyo lwa Muuya.”

¹⁶⁴ Lino, Taata wesu Wakujulu, Mbungano niini cifumo cino iliimvwi, tu lizi, bweza, kadubula, sinkondo waka musungilizya, kudubula myuumba zyabo. Elyo twa kombela myuuya yabo mibi, Mwami. Ta bazi kuti bakofwaazigwa aa kaleza ka inyika eyi.

¹⁶⁵ I Mbungano, muli konse, ku inyika yonse sunu; sinkondo, bantu bakombi, baka badubula kubelesya mumvwi uli onse. Pele nekuba boobo koonse kwa ncico, lubukulusyo lupati lulazumanana. Zyuulu zya bana, babombe, bacete, bata bikkilwi maanu bagugulikila mu masena aya, a kubona janza Lyako lya malele, baka zuzigwa Muuya Uusalala. Alimwi taba cili ba inyika eeyi. Balo mbamuzwamasi a beenzu. Taba bikkili maanu ku inyika, pele bayandaula Munzi kuboola, oyo wa Muyasi a Sikupanga ngu Leza. Ba kabona nguzu Zyako zyakuponya, zya kuponya baciswa, zitondezyo a zigambo Zyako zya kacitwa akati ka bantu Bako. Zintu zipati zilaangunuka, nekuba mu masena oko bazisampaula akusola kuzilesya. Balanda bako bala njila moonya mukati a kuyasya lubukulusyo, nkabela bala pya babombe mu Bwami bwa Leza.

¹⁶⁶ Akati kesu cifumo cino, tuli acoolwe kuba a mamissionari aya ali mu kuzwa kuya mu masi ambi.

¹⁶⁷ Umwi, kazwa mu Israyeli. O Leza, nceeco we. Kotila Muuya Wako, a nguwe, Mwami. Elyo akube kuti zintu zipati zizulile,

a kucitya ba Juda abo batakweankobaya ku kujoka. Akube kuti batambule Muuya Uusalala, mbuli bamawisi babo mbo bakacita ku matalikilo.

¹⁶⁸ Ngooyu mukwesu kaunka mu Cuba, okuya mu tusuwa. Wa kati, “Ku zibeela zili kulaale zya nyika.”

¹⁶⁹ Cintucimwi cikhwela, cigwinya ku moyo wa bakwesu aba. Kusiya minzi yabo, bayandwa babo, kutali kutabikkila maanu ku kulikkomanisya a ziindi zibotu zya nyika eyi, pele kuunka mu masena atakwe munzuka; kungsi lya sikupenzya, kusola kulesya mulimo. Pele mbuli buyo musune oyo wakaleta ng’ola kusule, a milazyo aali njiyo, alimwi bbokesi lya cizuminano. Ba kasiya bana babo, kababweka, nkabela ba kaselemuka mu mugwagwa, caansi, kabaimba, kaba selemukila ku Mwaala.

Twa Ku lumba ku bakutausi boonse.

¹⁷⁰ Tula bona kakkede kusule mu mbunga yesu, Mukwesu John, cifumo cino, awalo, kuzwa ku Germany. Obo mbwa kabuka, mucete. Kakwela cikocikala ciniini kulanduka cisi, kakambauka Makanimabotu. Nda Kulumba nkambo ka nguwe!

¹⁷¹ Elyo baalumi aba baniini, a bakutausi bambi abo bakkede mungsi, a basimbungano boonse. Cindi ni Nda kabuzya, Taata, kasyoma eco kungsi lya ciindi mbuli eci, kuti na mwaalumi a mwanakazi bata kajisi Kristo mu moyo wabo, niba tambika maanza abo, masimpe, kubona cizibyo coonse ca Makanimabotu, kuti Uli mbubonya a Mbungano Yako ili kozyenye.

¹⁷² Nda Ku lumba nkaambo ka umwi aumwi. Nda komba kuti Uyo balongezya. A kuponya mibili yabo ikuti na bali cisidwe, a kubapa kuyandisya kwa myoyo yabo. Kopa eci, Taata, twa lumba mu Zina lya Jesu.

¹⁷³ Elyo a mitwe yesu kiikoteme, atu yeeye buyo ziindi zisyoonto. Koba buyo mu mupailo, cabuteteete.

I mutaanzi kufwida bukanze bwa Muuya
Uusalala,
Wakali Johane Mubapatizi, pele wa kafwa
mbuli muntu;
Mpawo kwa kaboola Mwami Jesu, baka Mu
bambula,
Wa kakambauka kuti Muuya uyo futula bantu
kuzwa ku cibi.

Mpawo bakauma Stefano a mabwe, wa
kakambauka kulwana cibi,
Balo, kabanyemedede kapati, baka kosola mutwe
wakwe mukati;
Pele wa kafwa mu Muuya, wa kapa,
Elyo wakainka kuyo sangana bamwi, cilawo ca
bantu cipa buumi.

Ngooyo Petro a Paulo, a Johane sibuleza,
 Ba kapa maumi abo kutegwa Makanimabotu
 aya akonzye kumweka;
 Ba kasanganya bulowa bwabo, mbuli
 basinsimi bakale, (Eyo ni Mbuto iciliko,
 yakapenzegwa.)
 Kutegwa Ijwi Iya Leza Iyabwini likonzye
 kwaambwa caku syomeka.

Kwakali myuuya kungsi Iya cipaililo, kailila
 kuti, “Ciindi cilamfu buti?”
 Ku Mwami kusubula abo bakacita bubi;
 Pele kuyooba bambi bayo pa bulowa bwabo
 bwa buumi
 Nkambo aya Makanimabotu aa Muuya
 Uusalala a kukunka kwa Ngawo
 kusubilapyu.

Kuzumanana kusweka bulowa, iiyi, kwalo
 nkusweka bulowa,
 Aya Makanimabotu aa Muuya Uusalala a
 sweka bulowa,
 I bulowa bwa basikwiiya abo bakafwida
 Bwini,
 Aya Makanimabotu aa Muuya Uusalala
 asweka bulowa.

¹⁷⁴ [Mukwesu Branham ulang’ung’una *Alo Asweka Bulowa—Mul.*]

¹⁷⁵ O Leza! Boola, Mwami Jesu! Kotu bumba lino kuciindi notu libombya kumbele Lyako. Gwisya kancimwa koonse kuzwa ku maumi esu, kuzwa ku myoyo yesu, kuciindi i–i bubotu bwa Muuya buboneka kuba a meso asalala. Leza kabweza Ijwi Lyakwe lino a ku Li tilaila. Tuli kkomene kapati kuti Wa ka tusanganya, Taata, kuba basizyaabilo ba Makanimabotu.

¹⁷⁶ Twa kombela kubula koonse kwa mbungano. Twa kombela mweembeli wesu uuyandwa, O Leza; mulanda uusyomeka, tana kali kubeleka, lyoonse ulibambilide kuunka. Kanana ku moyo wakwe, sunu, a kumu zibya kuti kuli bulumbu bupati bulindila okuya bwakapa abo beembeli basyomeka cindi babungana kutala ku lubazu lumbi a boonse bakanununwa.

¹⁷⁷ Longezya beembeli bamwi, a mamissionari, a mamembala aa Mubili wa Kristo, koonse. Kotu jatila tumpenda twesu, Mwami.

¹⁷⁸ Elyo lino ikuti na kuli kubula mu myoyo yesu, Mwami, sa To, kuciindi Noliko, kotu longezya? Ikuti na kuli malwazi akati kesu, Mwami, umwi akube kuti, oyo waboola mu mbungano niini sunu, alimwi balanga kulaale elyo ba bona kalivari, kubona okuya Lunyungu lwini nko lubede. Awo Saatani mpa kayeeya kuti wakali kukonzya ku Ci nyonyoona kubelesya lufu, pele Leza waka Ci busya alubo. Konzyi buyo kucicita! Leza wakapanga

cisyomezyo, alimwi Leza ulakkala a cisyomezyo Cakwe. Alimwi cisyomezyo coonse nca bwini. Wa ka tusyomezya Buumi Butamani, alimwi tuli Bu jisi. Tula Bu mvwa. Kuli Cintucimwi muli ndiswe, cibeleda, eco nco tuta konzyi kupandulula. O Leza! Akati ka mapenzi, tu mvwa Cintucimwi cijatilila kusule kulaale, “Kokkala buyo zii.” Maguwo aamvula inga auma Mbuto, bwaato inga bwauma tusamu twesu tuniini. Uyo bamba nzila ya mapolelo, kungsi, kuzunguluka, na kwiinda muli njiyo, nzila imwi. Aboobo, tu libikka ncobeni kulwana Ijwi, Mwami.

¹⁷⁹ Nda komba lino kuti na umwi uli cisidwe mu muswaangano, kuti oyu Muuya, oyo uli mu buyake ndyoonya lino, weende ansi mu luyando lupati, kwaamba, “Mwana Wangu, oyu nde Ndime. Ndime Taata Oyo waka kulenga. Nda kali Umwi Oyo wakaleta i—i tuntu kuzwa aa nyika, oto twaka kupanga obo mbobede. Saatani usola kunjila mu mulimo Wangu. Bweza cisyomezyo Cangu, mwana.”

¹⁸⁰ Elyo mupailo oyu wa lusyomo Nda upa, kusyoma kuti Uli waano. Lekela maanza Aako, Mwami, kutandabika ku moyo yoonse, alimwi malwazi azwe ku bantu. Nda tapatila dyabulosi; dyabulosi wa kudyaminina, dyabulosi wa buyoofu, dyabulosi wa malwazi a misyobo yoonse. Yebo wa kaamba, “Mu Zina Lyangu bayo tanda badyabulosi.” Mu lukamantano lwa mbungano eyi, a Muuya oyu cifumo cino, twa tanda bubi boonse kuzwa ku bantu; kutegwa twa zwa awa, twasalala, ku Cituuzyo ca Mwami Jesu, mbuli mbo tu Ci tambula cabubombe.

¹⁸¹ Tu longezye mu ncito zili ambele. Tu longezye muli cili conse ncotu cita. Kamuya a bakutausi a bavangeli a mamissionari, ku masena abo, Mwami. Kopa buzuba bumwi kuti tuka swaane ku—ku matende Aako. Mpawo tuyo bikka zilumbo zyesu ansi. Leza, ba yooba a misyobo yoonse. Ku yooba muntu mukuwa, muntu wayelo, muntu usiya. Toonse antoomwe, tuyo amba, “Mwami, mpaawa mpo babede.” Ino mbuzuba bwa kukkomana obo buyooba! Atu beleke kuciindi nelicili isikati, nkambo busiku bulasika cindi muntu nata konzyi kubeleka. Twa lomba zilongezyo ezi mu i—i Zina liyandisi lya Mwana wa Leza, Jesu Kristo. Amen.

Zintu zyoonse zilakonzeka, syoma buyo;
 Syoma buyo, biyo . . . (Ino ncinzi?)
 Zintu zyoonse nziteete, buyo . . .

¹⁸² Mbangaye baka jisi kubula, a kukonzya kusyoma ndyoonya lino? Uyo tambika janza lyako, kwaamba, “Lino Nda tambula.”

Lino Nda tambula, lino Nda tambula,
 Zintu zyoonse zilakonzeka, lino Nda tambula;
 Lino Nda tambula, lino Nda tambula,
 Zintu zyoonse zilakonzeka, lino Nda tambula.

183 Lino atu kotamike buyo mitwe yesu aniini buyo lino. Kozumanana buyo, mucizi, aa piyano, ikuti na ula konzya. Ula Mu tambula?

184 Yebo wati, “Mukwesu Branham, Nda kali cisidwe kwa ciindi. Kwakali cintucimwi cakali kuboneka mbuli kuti Nse kakonzya buyo kuzunda. Nda kakombelwa, ku bagame.”

185 Eco ncibotu, mukwesu, mucizi, pele sa wakasola kuyeeya obo mbo cibede? Sena eco ncisyomezyo ciniini caka pegwa kuli ndinywe. “Zintu zyoonse zilakonzeka kuli oyo uusyoma.”

186 Sa inga to waala eco moonya mu Kalivari cifumo cino? Jatilila buyo mamanino a ncico awa, Muuya oyo waka cipa kuli nduwe. Kouwaala moonya mu Kalivari, a kwaamba, “Mpaawo nkasi yangu mpoijata. Lino Nda tambula, ndyoonya lino. Ca mana, ndyoonya lino. Takukwe makani eco cicitika, ndyoonya lino inkasi yangu ila jatilila mukati ka cisitilizyo, elyo Nda tambula buyo eco Nce lombamba. Ndi lizi Ndi cijisi. Ijwi lya Leza lya kaamba boobo. Elyo, Leza, Ndi langide kuli Nduwe lino.” Ndiza ujisi kulibilika, mapenzi amali, kufumbwa mbocibede. Takukwe makani aboobo mbocibede, ko ciwaala nkoonya ku Kalivari.

Nkambo zintu zyoonse—zintu zyoonse
zilakonzeka, syoma buyo.

187 Ku cilekela buyo kumvugwa kabotu, kabotu loko. Sa tacili cibotu loko? Eci nciindi cangu ca mulimo. I Ijwi lya kaminzwa, nywebo mwabona, lino Leza uli muku Li tilaila. Sa tamu konzyi kumvwa oko ku- . . .oko kwangulula, kukatulukwa kuzwa ku Busyu bwa Leza, kabu selukila ansi, ku Li tilaila, kwaamba, “Lino, ngooyu, mwana, Nda—Nda boola a Ijwi Lyangu. Nda lemeka Ijwi Lyangu. Nda Li langilila, isikati a masiku, nkabela Nda Li tilaila lino mu moyo wako. Sa tamu konzyi buyo kundi bweza a ku Ndi syoma?”

Ku zintu zyoonse (Inzi?) zilakonzeka, syoma
buyo.

188 Ma! Obo mbocili cibotu! Obo mbocili cibotu, kuti cinjile buyo mu mizeezo, ku mvwa maanzi kaaseluka atala a Mbuto! Ino ncenzi? I Mbuto ya balulami, Ya kaminzwa mu moyo wako. Ndi Ijwi lya Leza. Eyo ni Mbuto. Oyo Muuya Uusalala. I Mbuto eyo Leza nja kasyomezya ku matalikilo. Muli Lunyungu lwa Abrahamu, kwiinda ku kufwa muli Kristo, a kubweza Lunyungu lwa Abrahamu alimwi muli baswaana kweendelana aku cisyomezyo. I Muuya Uusalala wakazwa ku Lunyungu lwa Abrahamu, olo lumubamba kuba bana balombe abasimbi iba Leza.

189 Lino, oyo Muuya Uusalala kau tilaila cisyomezyo eco nco katola kaindi kainda, ku kuponesegwa kwanu, ku lufutuko lwanu, ku kweenda kubotu, ku kuyoowa ku musiya, kufumbwa cintu nco mubulide; ku lweendo olo kuselemukila ku tusuwa, ku musinzo oyo wakuya ku nyika yakuzyalilwa ya Israyeli; ku

mbungano yako, ku busena bwako, kufumbwa nkobubede, ku muunzi wako. Oyo ngo Muuya Uusalala waamba, “Oyo Ndime. Ndili a nduwe. Ko zumanana. Ndi sololela nzila. Nywebo, amu zumanane buyo kweenda. Oyo Ndime.”

Kuli Buci mu Mwaala bwako;
Kosiya zibi zyako zya Bulowa ku zivumba,
Kuli Buci mu Mwaala wa nduwe.

Atwi imikile.

Oh, mukaunke mu tugwagwa a mu mazila,
Kambauka Ijwi... (Sena ujisi cili conse
ncoyanda kwaambaula?)

Kwaamba ku mukwesu wakawa oonse,
Kuli Buci mu Mwaala wa nduwe.

Oh, mboobo Buci mu Mwaala, mukwesu
wangu.

Kuli Buci mu Mwaala wako;
Kosiya zibi zyako zya Bulowa kuvumba,
Kuli Buci mu Mwaala ibwa ko.

¹⁹⁰ Lino, amulange, muta yandi kuti musiye nekuba. Ndi yanda kuti mubone muntuumwi wiimvwi muni lyako, kosukana janza lyako, kwaamba, “Leza aku longeze, mukwesu,” na mucizi, kufumbwa na nguni. Kovuuluka buyo ncobeni. Eci ncikombelo ciniini cakaindi caabanwa a tubungwe tunji. Tuli buyo mu lweendo lwesu, bantu basalesale. Ncibotu.

Ko tolelela Zina Iya Jesu,
Mwana wa buusu a mapenzi;
Liyi kupa lutangalo a luambulizyo,
Ko Li tola konse nkoya.

Zina liyandisi, (Zina liyandisi!) O mbolili
bbotu! (O mbolili bbotu!)

Bulangizi bwa nyika a lutangalo lwaku Julu;

Zina liyandisi, O mbolili bbotu!

Bulangizi bwa nyika a lutangalo lwaku Julu.

Lino nyoonse amulange nzila eyi lino.

Ku—ku Zina Iya Jesu kukotama,
Kuwa cakufugama ku matende Akwe,
Mwaami wa bami ku Julu tuyo Mu samika
musyini,
Cindi lweendo lwesu lwamana.

Zina liyandisi, (Zina liyandisi!) O mbolili
bbotu! (O mbolili bbotu!)


Bulangizi bwa nyika a lutangalo lwaku Julu;

Zina liyandisi, (Zina liyandisi!) O mbolili
bbotu!

Bulangizi bwa nyika a lutangalo... (...? ...)

¹⁹¹ Lino kuciindi notu kotamika mitwe yesu ku Mwami Jesu. Ya kali jubbili mpati, pobwe pati, pobwe lya pentekoste aa Ijwi a zintu zya Leza, aa Muuya Uusalala Wakwe. Tu yanda ku komba zilongezyo zya Leza aa bakwesu besu ba missionari abo bali mu kwiinka mu mulimo eno, alimwi Leza ulabalika nkoonya kugama. Twa kupa cisyomezyo; tuno kukombela, mukwesu, a mucizi. Bamakaintu babo, bayandwa babo, bayeeya eco banakazi ncobali mu kuzwidilila. Ndi lizyi, kwiinda ku mukaintu wangu wini.

¹⁹² Ku beembeli okuno, Mukwesu Jackson, alimwi—alimwi Ndi yeeyela kuti Mukwesu Beeler uli kusule okuya, a bamwi banji beembeli. Teddy kusule okuno, mukutausi muniini. Bamwi banji bali waano, twa komba buyo zilongezyo zya Leza. Ii mukwesu mukubusyi awa, kuzwa kunselelo mu mbungano ya Leza, ngo tweeledede kubona masikati aya. Twa lomba zilongezyo ali nguwe, muvangeli, Nda syoma mbo cibede. Embo na, mukwesu? Nduweni zina lyako? [I mukwesu waamba, “Morgan.”—Mul.] Mukwesu Morg-...[“Morgan.”] Morgan, Mukwesu Morgan. Kukkomana buyo kapati kuba ambabo boonse awa!

¹⁹³ Elyo, lino, kuciindi notu kotamika mitwe yesu lino kuli Nguwe, a kulanga. Kuli mukwesu muniini mubombe wiimvwi kusule lya buyake. Ula kwela mootokala muniini, Nda mvwa, koonse ku cisi. I bunji bwabo bali muzyi mbuli “Musinsimi Johane.” Tu mwiita kuti “Mukwesu John,” koonse kuno. Nda kajisi bulemu lyoonse ku muntu. Pele, buzuba bumwi Nda kali kutala nkeswaya beenzuma bangu bamwi, oyo mukwesu... Mucizi Jimmy O’Nee, kutala ku Sellersburg. Oyo mulamwe wa Mukwesu a Mucizi Green. Nka bali cifumo cino. Elyo Mukwesu Johane wakali mu muunzi wabo, elyo baka ndaambila obo mulombwana Munakristo wini mbwa kabede. Elyo baka ndipa bumi bwakwe, bwa ceeco ncaaka baambila, aboobo mbwa kaboola kwiinda mu masukusyo mayumu. Elyo wa kajisi nzila njumu. Elyo tuyo mubuzya, cifumo cino, ikuti na uyo mwaisya mbunga eyi, a kulomba cilongezyo cakwe kuzwa kuli Leza, aa mbunga eyi. Sa inga wacita eco kuli ndiswe, Mukwesu Johnny? Mbuli mbo mukotamika mitwe yenu nyoonse. Elyo, Mukwesu John, ikuti na ula tumwaisya mu mupailo. 

JOSEFA KASWAANA BANABOKWABO TNG56-1230

(Joseph Meeting His Brethren)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Nalupale 30, 1956, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org